



019



თანამედროვე
უნივერსიტეტი
თავისუფალი აზროვნებით



საგანმანათლებლო პროგრამების კატალოგი

კუთაისის
უნივერსიტეტი

2019-2020

სარჩევი

ზოგადი ინფორმაცია.....	3
საბაკალავრო პროგრამები.....	4
ბიზნესის ადმინისტრირება.....	4
ეკონომიკა.....	14
ტურიზმის მენეჯმენტი	19
სამაგისტრო პროგრამები.....	23
საბუღალტრო აღრიცხვა და აუდიტი.....	23
საფინანსო, საბანკო და სადაზღვევო საქმე.....	29
სადოქტორო პროგრამა.....	35
ეკონომიკა.....	35
ერთსაფეხურიანი უმაღლესი განათლების სამედიცინო ინგლისურენოვანი პროგრამა.....	40

ზოგადი ინფორმაცია

ქუთაისის უნივერსიტეტი არის იმერეთის რეგიონში თანამედროვე ინფრასტრუქტურითა და ტექნიკური საშუალებებით აღჭურვილი, საერთაშორისო საგანმანათლებლო სივრცეში ინტეგრაციაზე ფოკუსირებული და მუდმივ განახლებაზე ორიენტირებული უმაღლესი საგანმანათლებლო დაწესებულება.

უნივერსიტეტი დაფუძნდა 1992 წელს, როგორც ახლადლიცენზირებული კერძო უმაღლესი სასწავლებელი ქუთაისის სამართლისა და ეკონომიკის ინსტიტუტის სტატუსით. 2010 წლის 17 მარტიდან უნივერსიტეტს შეეცვალა სახელი და ეწოდა ქუთაისის უნივერსიტეტი.

უნივერსიტეტი ახორციელებს სამ საბაკალავრო, ორ სამაგისტრო და ერთ სადოქტორო პროგრამას. ამჟამად ინერგება ერთსაფეხურიანი უმაღლესი განათლების სამედიცინო პროგრამა, რომელიც სრულად განხორციელდება ინგლისურ ენაზე.

ქუთაისის უნივერსიტეტის მისია

შპს ქუთაისის უნივერსიტეტი არის ევროპულ საგანმანათლებლო სივრცეში მოქმედი საქართველოს რეგიონული კერძო მრავლაპროფილური უმაღლესი საგანმანათლებლო დაწესებულება, რომლის მისიას წარმოადგენს ცოდნის შექმნა და გავრცელება; უმაღლესი განათლების სამივე საფეხურზე, გაცნობიერებული და ეფექტიანი გადაწყვეტილებების მიღების უნარის მქონე, კეთილსინდისიერი და მაღალი მოქალაქეობრივი თვითშეგნების, ეროვნული და ზოგადსაკაცობრიო ღირებულებების მატარებელი, მაღალკვალიფიციური და კონკურენტუნარიანი სპეციალისტების მომზადება, მათი უნიკალური ინდივიდუალური თავისებურებების წახალისება და განვითარების ხელშეწყობა, აკადემიური პერსონალისა და სტუდენტებისათვის სწავლა-სწავლებისა და კვლევის მიმზიდველი სამუშაო, სასწავლო და რეკრეაციული გარემოს შეთავაზებით.

აგრეთვე, აცნობიერებს რა მის სოციალურ პასუხისმგებლობას, თავის და საზოგადოებრივ საქმიანობებში ჩართულობით უნივერსიტეტი ხელს უწყობს რეგიონის პროფესიულ, კულტურულ, სოციალურ და ეკონომიკურ განვითარებას.

საბაკალავრო პროგრამები

პროგრამის სახელწოდება	ბიზნესის ადმინისტრირება	
უმაღლესი განათლების საფეხური	ბაკალავრიატი	
სწავლების ენა	ქართული	
მისანიჭებელი კვალიფიკაცია	ბიზნესის ადმინისტრირების ბაკალავრი	
პროგრამის მოცულობა კრედიტებით	კურსის ტიპი	ECTS კრედიტი
	სავალდებულო კურსები	145
	არჩევითი კურსები	10
	თავისუფალი კრედიტები	60
	დამატებითი პროგრამა (მოდული)	25
	სულ	240
პროგრამის ხანგრძლივობა	სტანდარტული - 4 აკადემიური წელი დასაშვები - 7 აკადემიური წელი	

პროგრამაზე დაშვების წინაპირობა

პროგრამაზე დაშვების წინაპირობაა სრული ზოგადი განათლების ატესტატი, ერთიან ეროვნულ გამოცდებზე ქართული ენის, ზოგადი უნარების, ნებისმიერი უცხო ენისა და ნებისმიერი მეოთხე არჩევითი საგნის წარმატებით ჩაბარება და ქუთაისის უნივერსიტეტის სტუდენტის სტატუსის მოპოვება.

სფეროს აღწერა და პროგრამის აქტუალობა

საქართველოში საბაზრო ეკონომიკის ჩამოყალიბების კვალდაკვალ ორგანიზაციათა ეფექტიანობის ამაღლების მიზნით ძალიან მნიშვნელოვანია ბიზნესისათვის პროფესიონალი კადრების მომზადება.

ბიზნეს-განათლების პროგრამების ამოცანას წარმოადგენს იმ ადამიანების პროფესიონალური განათლება და მომზადება, რომლებიც საბაზრო ეკონომიკის პირობებში ქმნიან, ხელს უწყობენ და მართავენ ორგანიზაციებსა და მიზნად ისახავენ ეფექტიანობის და/ან მოგების მიღებას, მათთვის მისაღები შემოსავლიანობის, ვადიანობისა და რისკიანობის პირობებში. ამდენად მაღალკვალიფიციური, ეთიკური და სტრატეგიულად მოაზროვნე კადრების მომზადებით ჩვენ ვცდილობთ ხელი შევუწყოთ საქართველოში ცივილიზებული, კონკურენტუნარიანი ბიზნესის ჩამოყალიბებას, ე.ი. ქვეყნის ძლიერების და განვითარების საფუძვლის შექმნას.

საგანმანათლებლო პროგრამის მიზანი:

- მოამზადოს ისეთი სპეციალისტი, რომელიც შეძლებს ბიზნეს-პროცესების კრიტიკულ გააზრებას და რომელსაც საფუძვლიანად ექნება შესწავლილი ბიზნეს საქმიანობის თეორიული და პრაქტიკული ასპექტები;
- განავითაროს სტუდენტის შესაძლებლობები იფიქროს, წეროს და ისაუბროს ეფექტურად და კრეატიულად;
- განუვითაროს სტუდენტს სოციალურ, ეთიკურ და მორალურ ფასეულობათა პატივისცემა, რომლებზეც არის დაფუძნებული საზოგადოების ურთიერთობა ინდივიდებთან და პირიქით;
- განუვითაროს სტუდენტს როგორც ანალიტიკური აზროვნების, გადაწყვეტილების მიღების და კომუნიკაციის უნარები, ასევე საკუთარი თავის ნდობა, პასუხისმგებლობა და თვითგანათლების უნარი;
- შეუქმნას სტუდენტს ყველა პირობა აკადემიური და კარიერული წინსვლისათვის;

წარმოდგენილი პროგრამის ამოცანაა სწავლებისა და სწავლის პროცესის ისეთი ორგანიზება, რომელიც გაითვალისწინებს და დაეყრდნობა შრომის ბაზრის მოთხოვნებს, სტუდენტების მისწრაფებებსა და სურვილებს და ორიენტირებული იქნება ძირითადი პროგრამის (მ.შ. არჩეული მოდულების) შესაბამის შედეგებზე.

სწავლის შედეგები და კურსდამთავრებულთა კომპეტენციები

სწავლის შედეგად ითვლება კომპეტენციების ერთობლიობა, რომლითაც განისაზღვრება, თუ რა უნდა იცოდეს, ესმოდეს, და რისი გაკეთება უნდა შეეძლოს სტუდენტს/კურსდამთავრებულს ამ ცოდნის გამოყენებით სასწავლო პროცესის, თუ მისი ცალკეული ეტაპის, დასრულების შედეგად.

ბიზნესის ადმინისტრირების ბაკალავრიატის პროგრამის დასრულების შედეგად სტუდენტს ჩამოუყალიბდება შემდეგი კომპეტენციები:

ცოდნა და გაცნობიერება

აქვს ბიზნესის სფეროს ფართო ცოდნა, რომელიც მოიცავს თეორიებისა და პრინციპების კრიტიკულ გააზრებას. ასევე აქვს უნარი, მოახდინოს ბიზნესის სფეროს კომპლექსური საკითხების გაცნობიერება. კერძოდ, კურსდამთავრებული:

- ფლობს ბიზნესისა და მენეჯმენტის საფუძვლებს. გააჩნია ორგანიზაციის, მისი გარემოსა და მათი მართვის თეორიების, კონცეფციებისა და ძირითადი პრინციპების ცოდნა;
- გააჩნია ბიზნესის ფუნქციონალური სფეროების: ზოგადი მენეჯმენტის, პროექტების მართვის, მარკეტინგისა და გაყიდვების, კადრების მართვის, ფინანსებისა და ფულის მიმოქცევის, გადასახადების, ფინანსური და მმართველობითი აღრიცხვის საბაზისო ცოდნა და აცნობიერებს მათ ურთიერთხემოქმედებას;
- იცნობს უმნიშვნელოვანეს ფინანსურ, საბანკო-საკრედიტო და სადაზღვევო კატეგორიებს, რითაც შეიქმნის მყარ საფუძველს მომავალი თეორიული ცოდნისა და პროფესიული უნარ-ჩვევების ჩამოყალიბება-განვითარებისათვის;
- აცნობიერებს მენეჯმენტის გლობალურ როლსა და მიზნებს ორგანიზაციაში;
- ფლობს სათანადო ტერმინოლოგიასა და ბიზნესის სფეროში მუშაობის რაოდენობრივ და სტატისტიკურ მეთოდებს;
- გააჩნია ცოდნა ორგანიზაციების ნაციონალური და გლობალური ეკონომიკური გარემოს შესახებ;
- ფლობს ცოდნას სოციალური ფსიქოლოგიის საბაზისო ცნებების, ძირითადი პროცესების და საკვანძო საკითხების შესახებ;
- გაცნობიერებული აქვს თანამედროვე პირობებში ბიზნეს სამართლის მნიშვნელობა და იცნობს მის ძირითად საფუძვლებს.

არჩევითი მოდულები:

მენეჯმენტი

ფლობს ცოდნას ორგანიზაციული ქცევის ინდივიდუალური და ჯგუფური ასპექტების, ეფექტური მენეჯმენტის, მოტივაციისა და ლიდერობის კონცეფციების, ორგანიზაციაში ძალაუფლებისა და პოლიტიკის, ორგანიზაციული კულტურისა და ცვლილებების შესახებ.

შესწავლილი აქვს ინოვაციური მენეჯმენტის მეთოდოლოგიური საფუძვლები, ინოვაციური საქმიანობის რეგიონული ასპექტები, ინოვაციების პროცესში მონაწილე სტრუქტურები, ინოვაციური მენეჯმენტის პრაქტიკაში გამოყენების მეთოდები, საწარმოში საინოვაციო საქმიანობის ორგანიზაციის საკითხები და კონკურენტუნარიანობა. აგრეთვე, სიახლეების შექმნისა და დანერგვის მართვის საკითხები. გაცნობიერებული აქვს, რომ ფირმებს შორის კონკურენციაში შეიძლება გაიმარჯვოს მხოლოდ პროდუქციის განახლებითა და სიახლეების დანერგვით დაინტერესებულმა კომპანიებმა. აცნობიერებს ხარისხის მართვის მნიშვნელობას ორგანიზაციის კონკურენტუნარიანობის ამაღლებაში, იცის ხარისხის უზრუნველყოფის მეთოდოლოგია. გაცნობიერებული აქვს ლოჯისტიკის ეფექტიანი მენეჯმენტის მნიშვნელობა და იცის მისი აგების პრინციპები. საბაზისო დონეზე ფლობს კონფლიქტებისა და მოლაპარაკებების მართვის ხელოვნებას.

ფინანსები

აცნობიერებს საბანკო-საკრედიტო ურთიერთობათა სპეციფიკას, იყენებს შესაბამის ინსტრუმენტებს და ორგანიზაციის სტრუქტურულ მახასიათებლებს. იცის ინვესტიციურ ურთიერთობათა სპეციფიკა და შესძლებს მათ განსხვავებას სხვა ფინანსური ურთიერთობებისაგან. ასევე იცის დაზღვევის და გადაზღვევის ძირითადი პრინციპები, ფინანსური და პასუხისმგებლობის რისკების დაზღვევის საფუძვლები, სადაზღვევო რეზერვების, ფონდების შექმნისა და გამოყენების ძირითადი პრინციპები. გაცნობილია ქვეყანაში მოქმედ დაზღვევის მარეგულირებელ სამართლებრივ ბაზას, ერკვევა თანამედროვე კრიპტოვალუტების და ბლოკჩეინების არსსა და დანიშნულებაში.

საბუღალტრო აღრიცხვა

გარკვეულია ეკონომიკური ანალიზის საფუძვლებში და გაცნობიერებული აქვს ეკონომიკური ანალიზის მნიშვნელობა საწარმოს ეკონომიკური რესურსების ეფექტიანად გამოყენების შიგა ფარული რეზერვების მოძიებაში. იცის სპეციალიზებული ელექტრონული პროგრამების გამოყენება ბუღალტრული აღრიცხვის წარმოებისათვის.

იცნობს საბანკო დაწესებულებებში და საბიუჯეტო ორგანიზაციაში შესაბამისი სახელმწიფო სტანდარტების მოთხოვნების დაცვით ბუღალტრული აღრიცხვის წარმოების წესებს, აუდიტის

ჩატარების თეორიულ და პრაქტიკულ ასპექტებს, აუდიტის ფორმებს თანამედროვე პირობებში, ასევე აუდიტორული დასკვნის სახეებს და სტრუქტურას.

მარკეტინგი

იცის: მომხმარებელთა ქცევის ფუნდამენტალური პრინციპები; მომხმარებლის მიერ გადაწყვეტილების მიღების პროცესის ეტაპები; მომხმარებელთა მოთხოვნილებების ტიპები; ოჯახისა და საოჯახო მეურნეობის სამომხმარებლო ქცევის მნიშვნელობა; მომხმარებლის ქცევის, კომუნიკაციების, დაგეგმვის, ამოცანების დასახვისა და ბიუჯეტირების, ასევე მარკეტინგული კომუნიკაციების პროგრამის შედგენის პრინციპები; მარკეტინგული კვლევის პროცესის ეტაპები; მარკეტინგული კვლევის გეგმის შემუშავების წესი; მარკეტინგული კვლევის ჩატარების მეთოდები; კვლევის ანკეტების შემუშავების პრინციპები, კვლევის ეთიკა; გაყიდვების მენეჯმენტის მართვის მექანიზმები, სავაჭრო და ტექნოლოგიური პროცესების არსი და მისი ორგანიზაციის პრინციპები; ციფრული მარკეტინგის სისტემები და გამოყენების თავისებურებები; როგორ მართოს კლიენტებთან ურთიერთობები სერვისული მომსახურების პროცესში და ა.შ. გაცნობიერებული აქვს მარკეტინგული კვლევების როლი და მნიშვნელობა ბიზნესში.

ცოდნის პრაქტიკაში გამოყენების უნარი

შეუძლიათ ბიზნესის სფეროსათვის დამახასიათებელი და ასევე ზოგიერთი გამორჩეული მეთოდის გამოყენება პრობლემების გადასაჭრელად, კვლევითი ან პრაქტიკული ხასიათის პროექტის განხორციელება წინასწარ განსაზღვრული მითითებების შესაბამისად. კურსდამთავრებულები შეძლებენ:

- სხვადასხვა მოვლენის თუ ფენომენის სოციალურ-ფსიქოლოგიური ასპექტების გაანალიზებასა და შეფასებას, ურთიერთთანამშრომლობას, საკუთარი პოზიციის შემუშავებას და ა.შ.
- შეისწავლონ ორგანიზაციის ფუნქციები და მასზე მოქმედი ძირითადი კომპონენტების ზეგავლენის ეფექტები, გაიგონ თუ როგორ არიან ისინი ურთიერთდამოკიდებული და როგორ ზემოქმედებენ ერთმანეთზე;
- გაერკვნენ და მიიღონ უშუალო მონაწილეობა საფინანსო-საბანკო ურთიერთობებში.

- აღწერონ ბიზნეს საქმიანობის ძირითადი მიმართულებები, თავისებურებები და პერსპექტივები, ურთიერთობა რისკსა და პოტენციურ მოგებას შორის ბაზრებზე შესვლის დროს;
- დასახონ გზები ფირმის მიერ არასასურველი მოვლენების შედეგების განეიტრალებისათვის, კონფლიქტების აღკვეთისათვის;
- მონაწილეობა მიიღონ ბიზნეს გეგმის ფინანსური ნაწილის შედგენასა და რეალიზაციაში;
- გაანალიზონ ბიზნესორგანიზაციის საქმიანობა, მოტივირების თეორიები; ფინანსური გეგმები, ბიუჯეტი, საქმიანობის შედეგები და ა.შ;
- იმსჯელონ ფინანსურ ურთიერთობათა განვითარების სპეციფიკის, მათთვის დამახასიათებელი გამოვლენის ფორმების, ძირითადი ტენდენციების და სამომავლო პერსპექტივების შესახებ, ქვეყნის შიგნით და მის ფარგლებს გარეთ;
- კორპორაციათა მოგების გაანგარიშება, კორპორაციათა ურთიერთობის წარმართვა საბიუჯეტო სისტემასთან, ფინანსურ ინსტიტუტებთან და ა.შ. წინასწარ განსაზღვრული წესებისა და მითითებების შესაბამისად;
- ბიზნეს სამართლის ნორმების ცოდნის პრაქტიკაში გამოყენება; ბიზნეს სამართლის პრობლემატური საკითხების იდენტიფიცირება და მათი გადაწყვეტისათვის ნორმატიული საფუძვლების მოძიება;
- დაბეგვრასთან დაკავშირებული საკითხების სწორი ინტერპრეტირება საქართველოს საგადასახადო კანონმდებლობის მიხედვით.

კურსდამთავრებულს გამომუშავებული ექნება:

- ორგანიზაციაში პროცესების მართვის ძირითადი უნარები: პროცესების იდენტიფიცირება. ეფექტიანობის გაზომვა, ბიზნეს-პროცესის მონაწილეების განსაზღვრა და სხვა;
- ძირითადი მარკეტინგული უნარები: მარკეტინგული მონაცემების მოგროვება, ანალიზი, ბაზრის შესაძლებლობების განსაზღვრა და შესაბამისი ქმედებების განხორციელება და სხვა;
- ძირითადი ფინანსური უნარები: ბუღალტრული აღრიცხვის წარმოება და მისი შედეგების წარდგენა, ფინანსური დოკუმენტების მომზადება და ინტერპრეტაცია, ფინანსური ინფორმაციის ანალიზი, ბიუჯეტის მომზადება და სხვა;
- პროექტების მართვის უნარი: მიზნის ფორმულირება; მიზნების, ამოცანებისა და შედეგების ურთიერთკავშირის განსაზღვრა; დროითი ჩარჩოების დაგეგმვა და მართვა; პასუხისმგებლობის ფარგლებში ამოცანების მართვა; შესაბამისი რესურსების განსაზღვრა და მართვა და სხვა;
- ოპერატიულ და ტაქტიკურ დონეზე გადაწყვეტილების მიღების უნარი. გადაწყვეტილების მიღების მიზნების და კრიტერიუმების ფორმულირების უნარი;

არჩევითი მოდულები:

მენეჯმენტი

კურსდამთავრებულები შეძლებენ ჩამოაყალიბონ და შეაფასონ ორგანიზაციული სტრუქტურა; შეარჩიონ ინოვაციური სტრატეგიები; მონაწილეობა მიიღონ საწარმოო პროცესისა და საქონლის გასაღების ლოჯისტიკურ დაგეგმვაში, მომხმარებელთა მომსახურების პროცესებისა და გამყიდველთა პერსონალის მართვაში. ასევე შეუძლიათ სწორი მოტივატორების შერჩევა, პერსონალთან ურთიერთობის სწორად მართვა, თანამშრომლების ქცევაზე ზეგავლენა ორგანიზაციაში უახლესი მეთოდებისა და მიდგომების გამოყენებით.

ფინანსები

კურსდამთავრებულებს შეუძლიათ: თეორიული ცოდნის პრაქტიკულ სიტუაციებში გამოყენება, პრობლემათა იდენტიფიცირება და დაძლევა საბანკო-საკრედიტო სფეროში; შეარჩიონ რამდენიმე ინვესტიციური ვარიანტიდან საუკეთესო, მიიღონ ოპტიმალური გადაწყვეტილება; შეადგინონ ბიზნეს გეგმა და ჩამოაყალიბონ მოქმედების სამომავლო სტრატეგია; მოახდინონ შემოსავლების დივერსიფიცირება და ხარჯების ოპტიმიზება; გათვალონ ინვესტიციების მოცულობა, რომელიც მომავალში მათთვის სასურველ მიმდინარე შემოსავლიანობას უზრუნველყოფს; ჩამოაყალიბონ და განმარტონ სადაზღვევო კომპანიების მთავარი ფინანსური მაჩვენებლები; სადაზღვევო საქმიანობის მაკრო და მიკრო ეკონომიკური მნიშვნელობი და ა.შ.

საბუღალტრო აღრიცხვა

კურსდამთავრებულებს შეუძლიათ: პრაქტიკული საქმიანობის მოქმედი საგადასახადო კანონმდებლობის შესაბამისად განხორციელება, საბაჟო-საგადასახადო მონაცემების ანალიზის გაკეთება, გრაფიკების, სქემების, დიაგრამების და ცხრილების აგება; ბიუჯეტის წაკითხვა და გაანალიზება; ფინანსური აღრიცხვის წარმოება საერთაშორისო სტანდარტების და ეროვნული კანონმდებლობის მოთხოვნათა შესაბამისად, მმართველობითი აღრიცხვის წარმოება, საბანკო და საბიუჯეტო ორგანიზაციების აქტივების, ვალდებულებების, კაპიტალის მოძრაობის აღრიცხვა

პირველადი დოკუმენტებით და ბუღალტრული აღრიცხვის ანგარიშთა გეგმით; დანახარჯების კლასიფიცირება ფუნქციონალური და ეკონომიკური დანიშნულების მიხედვით და მათი აღრიცხვა; ბუღალტრული აღრიცხვის რეგისტრების წარმოება; საბიუჯეტო ორგანიზაციის ფინანსურ ანგარიშგებაში შეტანილი ინფორმაციის წაკითხვა და გაანალიზება; აუდიტორული შემოწმების დაგეგმვის, ჩატარების და დასკვნის მომზადების პროცესში მონაწილეობის მიღება, მათ შორის, აუდიტორული შემოწმების სამუშაო ჯგუფის შემადგენლობაში კონკრეტული ამოცანების შესრულება გარიგების პარტნიორის საერთო კოორდინაციის ქვეშ; საბუღალტრო აღრიცხვის ელექტრონული პროგრამების გამოყენება.

მარკეტინგი

კურსდამთავრებულებს შეეძლება: ბრენდინგის სტრატეგიის შემუშავება; ბრენდის იმიჯის ჩამოყალიბება; ინტეგრირებული მარკეტინგული კომუნიკაციების პროგრამის შემუშავება, მასტიმულირებელი კომუნიკაციების სტრატეგიების შემუშავება პროდუქტისა და მომსახურების რეალიზაციისათვის, ფირმის პოზიტიური იმიჯის და დამოკიდებულების დამკვიდრებისათვის; ეფექტიანი სარეკლამო კამპანიის ფორმირება, ინტერნეტ-სივრცეში მარკეტინგული საქმიანობის განხორციელება; მომხმარებელთა ქცევის პროგნოზირება; მომხმარებელთა ქცევის შესასწავლად კვლევის ჩატარება, პრობლემის დასმა და გადაწყვეტის შესაბამისი გზების დასახვა, მიღებული გადაწყვეტილების ეფექტურობის ახსნა;

დასკვნის უნარი

კურსდამთავრებულებს შეუძლიათ: ბიზნესის სფეროსათვის დამახასიათებელი სტატისკური და ეკონომიკური ინფორმაციის შეგროვებისა და კრიტიკული ანალიზის საფუძველზე დასაბუთებული დასკვნების ჩამოყალიბება; გააჩნიათ თვითანალიზისა და თვითკრიტიკული აზროვნების უნარი და მათ საფუძველზე სათანადო შეფასებებისა და დასკვნების გაკეთების უნარი.

კომუნიკაციის უნარი

კურსდამთავრებულებს ჩამოყალიბებული აქვთ **მშობლიურ (ქართულ) და უცხო ენაზე** გამართული კომუნიკაციის უნარი, კერძოდ შეუძლიათ:

- მშობლიურ ენაზე: იდეების, არსებული პრობლემებისა და გადაჭრის გზების შესახებ დეტალური ანგარიშის მომზადება და ინფორმაციის სპეციალისტებისა და არასპეციალისტებისათვის ზეპირად და წერილობითი ფორმით გადაცემა; შესაბამისი დარგის სპეციალისტებთან დისკუსიაში მონაწილეობის მიღება; რეფერატული სახის შრომის მომზადება; საქმიანი დოკუმენტების შედგენა ბიზნეს ტერმინოლოგიის გამოყენებით;
- ერთ-ერთ ევროპულ ენაზე (ინგლისური, ფრანგული, გერმანული) კომპლექსური საკითხის/კითხვის ფორმულირება/ ჩამოყალიბება, როგორც წერილობით, ასევე ზეპირად წარდგენა/პრეზენტაცია; გაიგონ კონკრეტული და აბსტრაქტული თემების მქონე რთული ტექსტების არსებითი შინაარსი; თავისი სპეციალობის სფეროში საქმიანი დისკუსიის წარმართვა; სპონტანური და შეუფერხებელი საუბარი, ნორმალური დიალოგის წარმართვა ენის მატარებელთან ორივე მოსაუბრის მხრიდან დიდი ძალისხმევის გარეშე; დამოუკიდებლად და სწრაფად ერთ-ერთ ევროპულ ენაზე სხვადასხვა თემებზე დაწერილი ტექსტების კითხვა.

საინფორმაციო და საკომუნიკაციო ტექნოლოგიების გამოყენება:

პროგრამის კურსდამთავრებული იცნობს და თავისუფლად იყენებს თანამედროვე საინფორმაციო და საკომუნიკაციო ტექნოლოგიებს, შეუძლია ელექტრონულ დოკუმენტებთან, ელექტრონულ ცხრილებთან, პრეზენტაციებთან და მონაცემთა ბაზებთან მუშაობა.

სწავლის უნარი

კურსდამთავრებულებს შეუძლიათ საკუთარი სწავლის პროცესის თანმიმდევრულად და მრავალმხრივად შეფასება, შემდგომი სწავლის საჭიროებების დადგენა, დამოუკიდებლად, ლიტერატურის გამოყენებით ცოდნის ამაღლება და აღნიშნულ სფეროში უახლესი მიღწევების გაცნობა, დამოუკიდებლად მუშაობა დარგობრივ, სასწავლო და სამეცნიერო ლიტერატურასთან.

ღირებულებები

მონაწილეობს ბიზნესის სფეროსა და საზოგადოდ ეთიკური ღირებულებების ფორმირების პროცესში და ისწრაფვის მათ დასამკვიდრებლად; პატივს სცემს მრავალფეროვნებას, შეუძლია პროფესიულ კონტექსტში მოლაპარაკებაში და კონფლიქტების მოგვარებაში მონაწილეობა; მონაწილეობს ჯგუფური

გადაწყვეტილებების შემუშავებაში, ახდენს ენთუზიაზმისა და ინიციატივის დემონსტრირებას, ეფექტურად ურთიერთობს სამუშაო/სასწავლო ჯგუფში, გამომუშავებული აქვს იმ ეთიკური პრობლემების ამოცნობის, გააანალიზების, შესაბამისი გადაწყვეტილებების შერჩევისა და დაცვის უნარი, რომელსაც ადგილი აქვს საფინანსო სისტემაში, საბუღალტრო აღრიცხვაში, ადამიანური რესურსების მენეჯმენტსა და მარკეტინგში; აცნობიერებს სამართლებრივი, ეთიკური და კროსკულტურული პასუხისმგებლობის როლს ორგანიზაციაში და საზოგადოებაში.

დასაქმების სფეროები

ბიზნესის ადმინისტრირების კვალიფიკაცია მთელს მსოფლიოში ყველაზე უნივერსალური და პერსპექტიულია კარიერული წინსვლის თვალსაზრისით. ბიზნესი - დიდი თუ მცირე, სახელმწიფო თუ კერძო, ყველა ქვეყნის ეკონომიკის ღერძია, ხოლო სწორი არჩევანი განათლების მიღებისას გზას გაუხსნის კურსდამთავრებულებს წარმატებისკენ ამ სამყაროში. უსასრულოა ჩამონათვალი იმ სფეროებისა, რომლებშიც მათ შეუძლიათ წარმართონ საკუთარი საქმიანობა: ენერგეტიკა, ჯანდაცვა, ფარმაცოლოგია, ტექნოლოგია, სარეკლამო საქმე, ფინანსები და სხვა მრავალი. ბიზნესის რომელი ასპექტიც არ უნდა აინტერესებდეთ, უთუოდ შეძლებენ იპოვონ სამუშაო, რომელიც მათი შესაძლებლობების მაქსიმალურად წარმოჩენის საშუალებას მისცემთ. ბიზნესის ადმინისტრირების ბაკალავრის ხარისხი დაეხმარებათ დაიკავონ პოზიციები ნებისმიერი საწარმოს მართვის ქვედა და საშუალო დონეებზე საჯარო თუ კერძო სექტორებში; ბიზნეს და არასამთავრობო ორგანიზაციებში, სხვადასხვა ფინანსურ ინსტიტუტსა და უმაღლეს სასწავლო დაწესებულებაში და ა.შ. მათ შორის: კომპანიის დირექტორატის ოფისებში, ოპერაციულ მენეჯმენტში, მარკეტინგსა და გაყიდვებში, კადრების მართვაში, ფინანსებში, ბუღალტერიაში, ადმინისტრაციაში, მართვის საინფორმაციო სისტემებსა და ბიზნესის სხვა ფუნქციონალურ სფეროებში.

პროგრამის სახელწოდება	ეკონომიკა	
უმაღლესი განათლების საფეხური	ბაკალავრიატი	
სწავლების ენა	ქართული	
მისანიჭებელი კვალიფიკაცია:	ეკონომიკის ბაკალავრი	
პროგრამის მოცულობა კრედიტებით:	კურსის ტიპი	ECTS კრედიტი
	სავალდებულო კურსები	170
	არჩევითი კურსები	10
	თავისუფალი კრედიტი	60
	სულ	240
პროგრამის სტანდარტული ხანგრძლივობა:	სტანდარტული - 4 აკადემიური წელი დასაშვები - 7 აკადემიური წელი	

პროგრამაზე დაშვების წინაპირობა

პროგრამაზე დაშვების წინაპირობაა სრული ზოგადი განათლების ატესტატი, ერთიან ეროვნულ გამოცდებზე ქართული ენის, ზოგადი უნარების, უცხო ენისა და ნებისმიერი მეოთხე არჩევითი საგნის წარმატებით ჩაბარება და ქუთაისის უნივერსიტეტის სტუდენტის სტატუსის მოპოვება.

საგანმანათლებლო პროგრამის მიზანი

ეკონომიკა არის მეცნიერება სიმდიდრის წარმოების, განაწილების და მოხმარების შესახებ. პროგრამის მიზანია მიაწოდოს სტუდენტებს მყარი ცოდნა კომერციული და ორგანიზაციული საქმიანობის მრავალი ასპექტის შესახებ, აჩვენოს როგორ იღებენ ბიზნეს-ერთეულები გადაწყვეტილებებს იმის შესახებ, თუ რა აწარმოონ, როგორ აწარმოონ და ვისთვის აწარმოონ, ასევე აჩვენოს თუ როგორ მოქმედებს ისეთი მაკროეკონომიკური ფენომენები, როგორებიცაა ინფლაცია,

უმუშევრობა, საპროცენტო განაკვეთი მომხმარებელთა და ბიზნეს-ერთეულების ქცევასა და გადაწყვეტილებებზე. სტუდენტებს ნათელი წარმოდგენა უნდა შეექმნათ ეკონომიკაში არსებულ ყველაზე აქტუალურ პრობლემებზე, როგორცაა საბაზრო სისტემის ფუნქციონირების მექანიზმები, რესურსების განაწილების მექანიზმები, კერძო და სახელმწიფო სექტორები ეკონომიკაში, სახელმწიფოს მარეგულირებელი ფუნქციები და ა.შ. პროგრამის კურსდამთავრებულებს უნდა შეეძლოთ ეკონომიკური თეორიების ანალიზი, შეძლონ გაანალიზონ ქვეყნის ეკონომიკური მდგომარეობა, სოციალურ-ეკონომიკური განვითარების პრობლემები, პრიორიტეტები, ეკონომიკური განვითარების ტენდენციები, საერთაშორისო ეკონომიკური ურთიერთობები, საფინანსო-საბიუჯეტო და მონეტარული პოლიტიკა.

პროგრამის მიზნები

- შეასწავლოს სტუდენტებს ეკონომიკის საფუძვლები;
- მისცეს სტუდენტებს პროფესიულ, საზოგადოებრივ და ორგანიზაციულ გარემოში დამოუკიდებელი აზროვნებისა და მოქმედების უნარი;
- უზრუნველყოს სტუდენტები იმ აუცილებელი ცოდნით, რომელიც მათი წარმატებული პროფესიული კარიერის საფუძველი იქნება ეკონომიკის და ბიზნესის როგორც სამთავრობო, ასევე არასამთავრობო სტრუქტურებში;
- ჩამოუყალიბოს სტუდენტებს ეკონომიკის ან მონათესავე დარგებში წარმატებული პროფესიული კარიერისათვის აუცილებელი ანალიტიკური აზროვნების, თანამედროვე საინფორმაციო ტექნოლოგიების გამოყენების და კომუნიკაციის უნარები.

სწავლის შედეგები და კურსდამთავრებულთა კომპეტენციები

სწავლის შედეგად ითვლება კომპეტენციების ერთობლიობა, რომლითაც განისაზღვრება, თუ რა უნდა იცოდეს, ესმოდეს, და რისი გაკეთება უნდა შეეძლოს სტუდენტს/კურსდამთავრებულს ამ ცოდნის გამოყენებით სასწავლო პროცესის, თუ მისი ცალკეული ეტაპის, დასრულების შედეგად.

ცოდნა და გაცნობიერება

აქვს ეკონომიკის სფეროს ფართო ცოდნა, რომელიც მოიცავს თეორიებისა და პრინციპების კრიტიკულ გააზრებას. აქვს სფეროს კომპლექსური საკითხების გაცნობიერების უნარი. პროგრამის

წარმატებით დაძლევის შემთხვევაში ბაკალავრებს ექნებათ ეკონომიკურ მიმართულების ძირითად დისციპლინათა თეორიული ცოდნა, ჩამოყალიბდებათ ეკონომიკური ანალიზის უნარ-ჩვევები. ისინი შეძლებენ ეკონომიკური მოვლენებისა და პროცესების ისტორიულ რაკურსში განხილვას, საქართველოს ეკონომიკის ღრმად შესწავლას, საჯარო ფინანსებისა და სექტორული ეკონომიკის ძირითადი პრობლემატიკის განზოგადებას, მსოფლიო ეკონომიკაში მიმდინარე პროცესების აღქმას, რესურსული პოტენციალისა და მისი რაციონალური გამოყენების მჭიდროდ დაკავშირებას ეკონომიკურ ზრდასთან, ეკონომიკურ პროცესთა გაზომვადობის და სიტუაციური მოდელირების ელემენტების სრულყოფას. ექნებათ თეორიული ცოდნა ფინანსური ბაზრების, ინსტრუმენტების და ინსტიტუტების შესახებ. ეცოდინებათ სახელმწიფოს ეკონომიკური ფუნქციები, ეკონომიკური აზრის განვითარების თეორიული ასპექტები.

ცოდნის პრაქტიკაში გამოყენების უნარი

შეუძლიათ ეკონომიკის სფეროსათვის დამახასიათებელი და ასევე ზოგიერთი გამორჩეული მეთოდის გამოყენება პრობლემების გადასაჭრელად, კვლევითი ან პრაქტიკული ხასიათის პროექტის განხორციელება წინასწარ განსაზღვრული მითითებების შესაბამისად.

პროგრამის დასრულების შემდეგ კურსდამთავრებულები შეძლებენ:

- უმნიშვნელოვანესი ეკონომიკური კატეგორიები, მოვლენები და პროცესები განიხილონ ისტორიულ რაკურსში, რითაც შეიქმნიან საფუძველს მომავალი თეორიული ცოდნისა და პროფესიული უნარ-ჩვევების ჩამოყალიბება-განვითარებისათვის;
- სწრაფად ცვალებად ეკონომიკურ გარემოსთან ადაპტირებას;
- განაზოგადონ მიკრო და მაკროეკონომიკის, საჯარო ფინანსების, დემოგრაფიის, სექტორული და რეგიონული ეკონომიკის ძირითადი პრობლემატიკა;
- მოახდინონ ეროვნულ ანგარიშთა სისტემის განზოგადებული ანალიზი;
- აღიქვან და სათანადოდ შეაფასონ მსოფლიო ეკონომიკაში მიმდინარე პროცესები;
- მოახდინონ ეკონომიკურ პროცესთა და სიტუაციათა მარტივი მოდელირება და შესაბამისი დასკვნების წარმოდგენა;
- სტატისტიკური ინფორმაციის დამუშავებასა და დასკვნების გამოტანას.

- შეიქმნან სისტემური წარმოდგენა საქართველოს და მსოფლიო ეკონომიკის სტრუქტურებზე და განვითარების ტენდენციებზე.

დასკვნის უნარი

კურსდამთავრებულს შეუძლია ეკონომიკური მონაცემების შეგროვება და განმარტება, ასევე განყენებული მონაცემებისა და/ან სიტუაციების ანალიზი სტანდარტული და ზოგიერთი გამორჩეული მეთოდის გამოყენებით, დასაბუთებული დასკვნის ჩამოყალიბება, ასევე ახალი ინფორმაციის მიღება და გადამუშავება, გააჩნია თვითანალიზის უნარი. მას აგრეთვე შეუძლია მონაცემების ინტერპრეტაცია, კომპლექსური პრობლემების იდენტიფიცირება და დიაგნოსტიკა, პრობლემის გადაჭრის ალტერნატიული გზების განსაზღვრა, გადაწყვეტილების მიღების პრიციპების დასაბუთება და დაცვა.

კომუნიკაციის უნარი

მშობლიურ ენაზე

კურსდამთავრებულს შეუძლია: იდეების, არსებული პრობლემებისა და გადაჭრის გზების შესახებ დეტალური წერილობითი ანგარიშის მომზადება და ინფორმაციის სპეციალისტებისა და არასპეციალისტებისათვის ზეპირად გადაცემა; შესაბამისი დარგის სპეციალისტებთან დისკუსიაში მონაწილეობის მიღება; რეფერატული სახის შრომის მომზადება; საქმიანი დოკუმენტის შედგენა ეკონომიკური ტერმინოლოგიის გამოყენებით;

უცხო ენაზე

კურსდამთავრებულს შეუძლია: ერთ-ერთ ევროპულ ენაზე (ინგლისური, ფრანგული, გერმანული) კომპლექსური საკითხის/კითხვის ფორმულირება/ჩამოყალიბება, როგორც წერილობით, ასევე ზეპირად (წარდგენა/პრეზენტაცია); გაიგოს კონკრეტული და აბსტრაქტული თემების მქონე რთული ტექსტების არსებითი შინაარსი; საქმიანი დისკუსიის წარმართვა; სპონტანური და შეუფერხებელი საუბარი, ნორმალური დიალოგის წარმართვა ენის მატარებელთან ორივე მოსაუბრის მხრიდან დიდი ძალისხმევის გარეშე; დამოუკიდებლად და სწრაფად სხვადასხვა თემებზე დაწერილი ტექსტების კითხვა; ინფორმაციის სხვადასხვა წყაროების გამოყენება; ანგარიშის და თხზულების დაწერა, არგუმენტების მოყვანა სხვადასხვა შეხედულებების საწინააღმდეგოდ ან მხარდასაჭერად. ამასთან, შესაძლოა უჭირდეს იშვიათად გამოყენებადი იდიომების გაგება.

საინფორმაციო და საკომუნიკაციო ტექნოლოგიების გამოყენება.

იცნობს და თავისუფლად იყენებს თანამედროვე საინფორმაციო და საკომუნიკაციო ტექნოლოგიებს, შეუძლია ელექტრონულ დოკუმენტებთან, ელექტრონულ ცხრილებთან, პრეზენტაციებთან, მონაცემთა ბაზებთან მუშაობა.

სწავლის უნარი

შეუძლია საკუთარი სწავლის პროცესის თანმიმდევრულად და მრავალმხრივად შეფასება, შემდგომი სწავლის საჭიროებების დადგენა. ასევე შეუძლია დამოუკიდებლად, ლიტერატურის გამოყენებით, აიმაღლოს ცოდნა, დამოუკიდებლად იმუშაოს დარგობრივ სასწავლო და სამეცნიერო ლიტერატურასთან.

ღირებულებები

მონაწილეობს ეთიკური ღირებულებების ფორმირების პროცესში და ისწრაფვის მათ დასამკვიდრებლად: პატივს სცემს მრავალფეროვნებას, შეუძლია პროფესიულ კონტექსტში მოლაპარაკებაში და კონფლიქტების მოგვარებაში მონაწილეობა; მონაწილეობს ჯგუფური გადაწყვეტილებების შემუშავებაში, ახდენს ენთუზიაზმისა და ინიციატივის დემონსტრირებას, ეფექტურად ურთიერთობს სამუშაო/სასწავლო/პროფესიულ ჯგუფში; აცნობიერებს სამართლებრივ, ეთიკურ და კროსკულტურულ პასუხისმგებლობის როლს ორგანიზაციაში და საზოგადოებაში; გააჩნია პროფესიული პასუხისმგებლობა და აცნობიერებს ეთიკის მდგრადი განვითარების ძირითად პრინციპებს.

დასაქმების სფეროები

ეკონომიკის ბაკალავრის ხარისხის მქონე პირებმა შეიძლება დაიკავონ პოზიციები მართვის ქვედა და საშუალო დონეებზე, ნებისმიერ ორგანიზაციულ-სამართლებრივი ფორმის კომპანიებში, კერძო, სახელმწიფო, მუნიციპალურ საწარმოებში, არაკომერციულ ორგანიზაციებში, გაერთიანებებში, რომლებსაც ესაჭიროებათ პროფესიული ცოდნა ეკონომიკის სფეროში. აგრეთვე ბანკებში, ბირჟებზე, საბაჟოებზე, საბიუჯეტო დაწესებულებებსა და ორგანიზაციებში, საინვესტიციო ფონდებში, საგადასახადო ორგანოებში, სხვადასხვა საწარმოთა საფინანსო-ეკონომიკურ სამსახურებში.

პროგრამის სახელწოდება	ტურიზმის მენეჯმენტი	
უმაღლესი განათლების საფეხური	ბაკალავრიატი	
სწავლების ენა	ქართული	
მისანიჭებელი კვალიფიკაცია:	ბიზნესის ადმინისტრირების ბაკალავრი ტურიზმში	
პროგრამის მოცულობა კრედიტებით:	კურსის ტიპი	ECTS კრედიტი
	სავალდებულო კურსები	160
	არჩევითი კურსები	20
	თავისუფალი კრედიტები	60
	სულ	240
პროგრამის სტანდარტული ხანგრძლივობა	სტანდარტული - 4 აკადემიური წელი დასაშვები - 7 აკადემიური წელი	

პროგრამაზე დაშვების წინაპირობა

პროგრამაზე დაშვების წინაპირობაა სრული ზოგადი განათლების ატესტატი, ერთიან ეროვნულ გამოცდებზე სამი სავალდებულო და ნებისმიერი მეოთხე არჩევითი საგნის ჩაბარება და ქუთაისის უნივერსიტეტის სტუდენტის სტატუსის მოპოვება. ნებისმიერი მსურველი, რომელიც დააკმაყოფილებს აღნიშნულ მოთხოვნებს დაშვებული იქნება პროგრამაზე რასის, მრწამსის, ოჯახური მდგომარეობის, ნაციონალური თუ ეთნიკური წარმომავლობის, ფიზიკური მდგომარეობის, აღმსარებლობის თუ სქესის მიუხედავად.

სფეროს აღწერა და პროგრამის აქტუალობა

საქართველოში ტურისტული ინდუსტრიის ჩამოყალიბების კვალდაკვალ ორგანიზაციათა ეფექტიანობის ამაღლების მიზნით ძალიან მნიშვნელოვანია ტურიზმის სფეროსათვის პროფესიონალი კადრების მომზადება, რომელთა გარეშე წარმოუდგენელია დარგის განვითარება თანამედროვე დონეზე. სწორედ ამიტომ, წინამდებარე ბაკალავრიატის პროგრამა შემუშავებულია ჰავაის წყნარი ოკეანის უნივერსიტეტის პროგრამის ანალოგიით, სადაც „ტურიზმის მენეჯმენტი“ (პროგრამის ამერიკული ანალოგის სახელწოდებაა მგზავრობის ინდუსტრიის მენეჯმენტი) ერთ-ერთი ყველაზე დიდი და მოთხოვნადი სპეციალობაა ბიზნესის ადმინისტრირების მიმართულებით.

საგანმანათლებლო პროგრამის მიზანი

- განავითაროს სტუდენტის შესაძლებლობები იფიქროს, წეროს და ისაუბროს ეფექტურად და კრეატიულად;
- განუვითაროს სოციალურ, ეთიკურ და მორალურ ფასეულობათა პატივისცემა, რომლებზეც არის დაფუძნებული საზოგადოების ურთიერთობა ინდივიდებთან და პირიქით;
- განუვითაროს სტუდენტს როგორც ანალიტიკური აზროვნების, გადაწყვეტილების მიღების და კომუნიკაციის უნარები, ასევე საკუთარი თავის ნდობა, პასუხისმგებლობა და თვითგანათლების უნარი;
- შეუქმნას სტუდენტს ყველა პირობა აკადემიური და კარიერული წინსვლისათვის;
- მოამზადოს ისეთი სპეციალისტი, რომელიც შეძლებს ბიზნეს-პროცესების კრიტიკულ გააზრებას და რომელსაც საფუძვლიანად ექნება შესწავლილი ტურისტული ბიზნესის თეორიული და პრაქტიკული ასპექტები, ექნება პროფესიული კარიერისათვის აუცილებელი ცოდნა და უნარ-ჩვევები;

სწავლის შედეგები და კურსდამთავრებულთა კომპეტენციები

სწავლის შედეგად ითვლება კომპეტენციების ერთობლიობა, რომლითაც განისაზღვრება, თუ რა უნდა იცოდეს, ესმოდეს, და რისი გაკეთება უნდა შეეძლოს სტუდენტს/კურსდამთავრებულს ამ ცოდნის გამოყენებით სასწავლო პროცესის, თუ მისი ცალკეული ეტაპის, დასრულების შედეგად. ტურიზმის მენეჯმენტის ბაკალავრიატის პროგრამის დასრულების შედეგად კურსდამთავრებულებს ჩამოუყალიბდება შემდეგი კომპეტენციები:

ცოდნა და გაცნობიერება

კურსდამთავრებულებს ექნებათ ფართო თეორიული და პრაქტიკული ცოდნა ზოგადი მენეჯმენტის სფეროში ტურიზმთან მიმართებაში:

- სასტუმროებისა და საზოგადოებრივი კვების ობიექტების დაგეგმვისა და მენეჯმენტის საფუძვლები
- დანიშნულების ადგილის განვითარების მეთოდები
- მგზავრთა ტრანსპორტირების თავისებურებები
- ექსკურსიების დაგეგმვა და ორგანიზება
- სპეციალური ღონისძიებების დაგეგმვა და დეტალური ბიზნეს-გეგმის შემუშავება
- მარკეტინგული და სტატისტიკური მეთოდების გამოყენებით ტურიზმის ბიზნესში მნიშვნელოვანი პროცესებისა და პრობლემების კვალიფიციური ანალიზის მეთოდების ფლობა
- ტურიზმის ბიზნესის ადმინისტრირების თანამედროვე ტენდენციებისა და მისი განვითარების ძირითადი მიმართულებების ცოდნა;

- ტურიზმის ბიზნესში მენეჯერის პროფესიული ფუნქციების შესასრულებლად სათანადო ტექნოლოგიების ფლობა.

ცოდნის პრაქტიკაში გამოყენების უნარი

ტურიზმის მენეჯმენტის ბაკალავრიატის პროგრამის კურსდამთავრებულები:

- სტუმარმასპინძლობის ინდუსტრიის სტანდარტებზე დაყრდნობით გამოამყვანებენ ღრმა კომპეტენციას კვლევისას და მონაცემთა ანალიზის დროს;
- შეძლებენ ტურისტული და საკურორტო ობიექტების საინვესტიციო პროექტების დამუშავებას;
- შეიმუშავებენ ტურისტული და სამკურნალო-პროფილაქტიკური საწარმოების განვითარების კონცეფციას;
- შეძლებენ ტურისტული და სამკურნალო-პროფილაქტიკური საწარმოებისათვის ფინანსური და ბუღალტრული მომსახურების გაწევას;
- გაიგებენ და აღიქვამენ ტურიზმის ინდუსტრიაში გარემოს დაცვისა და კულტურული მემკვიდრეობის მნიშვნელობებს;
- გაარჩევენ და შეაფასებენ არჩევანს ნდობის, ურთიერთპატივისცემისა და პატიოსნების ღირებულებებზე დაყრდნობით;
- დაეუფლებიან ჯგუფურ მუშაობას, ხელმძღვანელობისა და მართვის უნარ-ჩვევებს.

დასკვნის უნარი

კურსდამთავრებულებს შეუძლიათ გამოიყენონ შესაფერისი გამოკითხვა-გამოკვლევის მეთოდები და საკუთარი მსჯელობა კომპლექსური პრობლემების გადასაჭრელად. ისინი ანვითარებენ თავიანთ უნარს გადაამოწმონ, შეაფასონ, გამოიკვლიონ საკითხი და პრობლემების გადაჭრის ფართო სპექტრში ისეთი ცოდნა ჩადონ, რომელიც შესატყვისი იქნება საკვლევი სფეროსათვის.

კომუნიკაციის უნარი

კურსდამთავრებულებს ესმით კომუნიკაცია, როგორც პროცესი, და შეუძლიათ გააკრიტიკონ ინფორმაცია ან ვინმეს აზრი; გააკეთონ თავიანთი კომპეტენციის დემონსტრირება წერილობით, კომპიუტერის გამოყენებით, სიტყვიერად და ჯგუფური დისკუსიით; ჩასწვდნენ თავიანთ ფუნქციებს, მასმედიის გავლენას და საინფორმაციო ტექნოლოგიებს.

მშობლიურ ენაზე

შეუძლია იდებების, არსებული პრობლემებისა და გადაჭრის გზების შესახებ დეტალური წერილობითი ანგარიშის მომზადება და ინფორმაციის სპეციალისტებისა და არასპეციალისტებისათვის ზეპირად გადაცემა, შესაბამისი დარგის სპეციალისტებთან დისკუსიაში მონაწილეობის მიღება, შეუძლია რეფერატული სახის შრომის მომზადება, შეუძლია საქმიანი დოკუმენტის შედგენა ბიზნეს ტერმინოლოგიის გამოყენებით.

ინგლისურ ენაზე

შეუძლია იდეების, არსებული პრობლემებისა და გადაჭრის გზების შესახებ დეტალური წერილობითი ანგარიშის მომზადება და ინფორმაციის სპეციალისტებისა და არასპეციალისტებისათვის ზეპირად გადაცემა, შესაბამისი დარგის სპეციალისტებთან დისკუსიაში მონაწილეობის მიღება, შეუძლია საქმიანი დოკუმენტების შედგენა ბიზნეს ტერმინოლოგიის გამოყენებით.

საინფორმაციო და საკომუნიკაციო ტექნოლოგიების გამოყენება

იცნობს და თავისუფლად იყენებს თანამედროვე საინფორმაციო და საკომუნიკაციო ტექნოლოგიებს, შეუძლია ელექტრონულ დოკუმენტებთან, ელექტრონულ ცხრილებთან, პრეზენტაციებთან, მონაცემთა ბაზებთან მუშაობა.

სწავლის უნარი

შეუძლია საკუთარი სწავლის პროცესის თანმიმდევრულად და მრავალმხრივად შეფასება, შემდგომი სწავლის საჭიროებების დადგენა, შეუძლია დამოუკიდებლად სხვადასხვა ლიტერატურის გამოყენებით, აიმაღლოს ცოდნა, დამოუკიდებლად იმუშავოს დარგობრივ სასწავლო და სამეცნიერო ლიტერატურასთან.

ღირებულებები

კურსდამთავრებულებს ესმით, რომ ბევრი სისტემის ურთიერთქმედება აერთიანებს გლობალურ საზოგადოებას, და ის, რომ ეს პოლიტიკური, ეკონომიკური, ორგანიზაციული, სამეცნიერო, ბუნებრივი და კულტურული სისტემები სცილდება ნაციონალურ და დისციპლინარულ საზღვრებს. სტუდენტები ჩართული არიან მრავალფეროვან ინდივიდუალურ, სოციალურ და ესტეტიკურ ღირებულებათა სისტემებში და ანვითარებენ მოწიწებას ამ ღირებულებებათა და არჩევნების განსახვავებულობის მიმართ. ისინი ანვითარებენ და ხვეწავენ გაცნობიერებულ ფასეულობათა სისტემას, რომელიც განსაზღვრავს მათი ქცევის მიმართულებას.

კურსდამთავრებულებს შესწავლილი აქვთ მთელი მსოფლიოს მასშტაბით თანამედროვე და ისტორიულ კულტურათა ღირებულებები და ცხოვრების წესები, რაც შეიძლება ჩაითვალოს, როგორც საშუალება ცხოვრების მიმართ განსხვავებული მიდგომების გაგებისა.

დასაქმების სფერო

ბიზნესის ადმინისტრირების ბაკალავრის ხარისხი ტურიზმში კურსდამთავრებულებს დაეხმარებათ დაიკავონ პოზიციები ნებისმიერი საწარმოს მართვის ქვედა და საშუალო დონეებზე საჯარო თუ კერძო სექტორებში; მათ შორის: ტურისტული კომპანიის დირექტორატის ოფისებში, მარკეტინგსა და გაყიდვებში, კადრების მართვაში, ფინანსებში, ბუღალტერიაში, ადმინისტრაციაში, ტურიზმის ეროვნულ სააგენტოში.

სამაგისტრო პროგრამები

საგანმანათლებლო პროგრამის სახელწოდება	საბუღალტრო აღრიცხვა და აუდიტი	
უმადლესი განათლების საფეხური	მაგისტრატურა	
სწავლების ენა	ქართული	
მისანიჭებელი კვალიფიკაცია:	ბიზნესის ადმინისტრირების მაგისტრი საბუღალტრო აღრიცხვაში	
პროგრამის მოცულობა კრედიტებით:	კურსის ტიპი	ECTS კრედიტი
	სავალდებულო კურსები	47
	არჩევითი კურსები	10
	თავისუფალი კრედიტები	63
	სულ	120
პროგრამის სტანდარტული ხანგრძლივობა:	2 აკადემიური წელი. (დასაშვები ხანგრძლივობაა 3 აკადემიური წელი)	

პროგრამაზე დაშვების წინაპირობა

მაგისტრატურის პროგრამაზე ჩარიცხვის წინაპირობაა საერთო სამაგისტრო გამოცდის ჩაბარების დამადასტურებელი სერთიფიკატის წარმოდგენა და უნივერსიტეტის მიერ ორგანიზებულ სპეციალობის საგნის/საგნების და ინგლისური ენის წერილობით გამოცდებში დადებითი (მინიმალური 51 ქულა) შეფასების მიღება.

სპეციალობის საგანში/საგნებში გამოცდის მიზანია, დაადგინოს აქვს თუ არა აღნიშნულ მაგისტრატურის პროგრამაზე სწავლის მსურველ პირს ბუღალტრული აღრიცხვისა და აუდიტის საბაზისო ცოდნა, რაც აუცილებელია მაგისტრატურის პროგრამის წარმატებით გავლისათვის.

ინგლისურ ენაში გამოცდის მიზანია, დაადგინოს ფლობს თუ არა მაგისტრანტი ინგლისურ ენას B2 დონეზე.

ქუთაისის უნივერსიტეტის საზოგადოებრივ მეცნიერებათა ფაკულტეტის მაგისტრატურაში მიიღებიან ბაკალავრის, მაგისტრის, დოქტორის ან მათთან გათანაბრებული აკადემიური ხარისხის მქონე პირები.

სფეროს აღწერა და პროგრამის აქტუალობა

საქართველოში საბაზრო ეკონომიკის განვითარებამ აუცილებელი გახადა აღრიცხვა-ანგარიშგების სისტემის გარდაქმნა ეკონომიკაში მიმდინარე ცვლილებებისა და საერთაშორისო სტანდარტების გათვალისწინებით. საბაზრო ეკონომიკის პირობებში ბუღალტრული აღრიცხვა ასრულებს პრინციპულად სხვა როლს, აქედან გამომდინარე, ის უნდა წარმოადგეს ისეთი სისტემით, რომ აკმაყოფილებდეს ბიზნესის გაფართოებულ, საერთაშორისო ეკონომიკური ურთიერთობების მოთხოვნებს.

ბუღალტრული აღრიცხვა არის სამეურნეო საქმიანობაზე დაკვირვების, გაზომვისა და რეგისტრაციის უწყვეტი პროცესი, ამ პროცესებზე რაციონალური ზემოქმედების მიზნით. ის ინფორმაციის შეგროვებისა და მისი ღირებულებით საზომში განზოგადების საშუალებაა. ამდენად, აღრიცხვა ციფრობრივი ენაა, რომელიც ღრმად განზოგადებს განხორციელებული სამეურნეო-საფინანსო საქმიანობის შედეგებს.

მსოფლიო პრაქტიკით დადასტურებულია, რომ იმ ქვეყნებში, სადაც საინფორმაციო მასალების შემუშავება ელექტრონული, კომპიუტერული სისტემით ხდება, დროული, სწორი და ობიექტური ინფორმაცია საფუძველია ეკონომიკის ცალკეულ დარგებსა და მთლიანად საზოგადოებაში განვითარების მაღალი მაჩვენებლების მიღწევისა. აქედან გამომდინარე, ბუღალტრული აღრიცხვის მთავარი ამოცანაა დროული, ნათელი, სწორი, ობიექტური ინფორმაცია მიაწოდოს საბაზრო ურთიერთობის ყველა მონაწილეს, ყველა დაინტერესებულ პირს.

საერთაშორისო ეკონომიკური, სავაჭრო და სხვა სახის ურთიერთობების განვითარებამ და მსოფლიო სისტემის დარგთა სპეციალიზაციამ, კონცენტრაციამ და ინტეგრაციამ საჭიროება წარმოქმნა შექმნილიყო ბუღალტრული აღრიცხვის მსოფლიო სანიმუშო ერთიანი სისტემა, რომელიც თავის მხრივ დაეფუძნებოდა ერთიან უნიფიცირებულ სტანდარტების სისტემას. აღნიშნულმა საჭიროებამ ასახვა ჰპოვა ბუღალტრული აღრიცხვის საერთაშორისო სტანდარტებში (ბასს), რომელთა შექმნა ჯერ კიდევ 1973 წელს დაიწყო “ბუღალტრული აღრიცხვის საერთაშორისო სტანდარტების კომიტეტის” (ბასსკ) მიერ. ამჟამად ბასსკ-ის სამართალმემკვიდრე - „ბუღალტერთა საერთაშორისო ფედერაცია“ (ბსფ), ასევე ზრუნავს აღრიცხვისა და აუდიტის სფეროს განვითარებაზე ყველა მის წევრ ქვეყანაში, რომელთა შორის საქართველოც არის.

ფინანსური ანგარიშგების შედგენასთან დაკავშირებით ცალკეულ ქვეყნებში არსებობს საკუთარი თავისებურებებით განპირობებული განსხვავებანი, მაგრამ საბაზრო ეკონომიკის მქონე ქვეყნების უმრავლესობა აღიარებს ბასს-ით გათვალისწინებულ სტანდარტებს, მათ ძირითად მიზნებს და ამოცანებს. საქართველო ჯერ კიდევ 1999 წლის 5 თებერვალს მიღებული სფეროს მარეგულირებელი საკანონმდებლო აქტით - საქართველოს კანონით „ბუღალტრული აღრიცხვისა და ანგარიშგების რეგულირების შესახებ“ ბუღალტრული აღრიცხვის საერთაშორისო სტანდარტებს აღიარებს

საქართველოში ბუღალტრული აღრიცხვის წარმოების საფუძვლად. თუმცა, ეს რასაკვირველია ვერ იძლევა ქვეყანაში აღრიცხვის სისტემის მოწესრიგებისა და გამართული ფუნქციონირების გარანტიას. ამისათვის საჭიროა სისტემური მუშაობა, უპირველეს ყოვლისა მაღალი კვალიფიკაციის სპეციალისტების მომზადება, რომელთა ნაკლებობა ქვეყანაში ჯერ კიდევ საკმაოდ საგრძნობია, როგორც ბუღალტრული აღრიცხვის, ისე აუდიტის მიმართულებით.

აუდიტორული საქმიანობა, რომელიც ჩვენი ქვეყნისათვის შედარებით ახალი დარგია, ბუღალტრულ აღრიცხვასთან უშუალოდ არის დაკავშირებული. აუდიტორული საქმიანობის დანერგვა ქვეყანაში დაიწყო საბაზრო ეკონომიკაზე გადასვლის პერიოდში და ჯერ კიდევ განვითარების პროცესშია. შესაბამისად, ამ მიმართულებით მაღალი აკადემიური განათლების კადრების მომზადება უაღრესად მნიშვნელოვანია.

საგანმანათლებლო პროგრამის მიზანი:

პროგრამის მიზანია მოამზადოს ღრმა და სისტემური ცოდნის მქონე მაღალი კვალიფიკაციის კადრები ბუღალტრულ აღრიცხვასა და აუდიტში, რომელთაც ექნებათ შესაძლებლობა:

- დამოუკიდებლად გააანალიზონ ფინანსური აღრიცხვის მთლიანი სისტემა და დასახონ კონკრეტული გზები მისი ეფექტურობისა და ოპერატიულობის გაზრდისათვის;
- უზრუნველყონ ნებისმიერი ორგანიზაციულ-სამართლებრივი ფორმის სამეურნეო სუბიექტის სააღრიცხვო პოლიტიკის შემუშავება და იმპლემენტაცია;
- შეიმუშავონ ნებისმიერი ორგანიზაციულ-სამართლებრივი ფორმის სამეურნეო სუბიექტში მმართველობითი აღრიცხვის წარმოების სისტემა და ზედამხედველობა გაუწიონ მათ გამოყენებას, ასევე შეაფასონ სისტემის ეფექტურობა და დასახონ ღონისძიებები მისი ამაღლებისათვის;
- სათანადო პრაქტიკული გამოცდილების დაგროვების შემდეგ, წარმატებით გაიარონ აუდიტორთა სასერტიფიკატო გამოცდის ის ნაწილი, რომელიც შეეხება ბუღალტრულ აღრიცხვას, აუდიტს და საგადასახადო საქმეს, რაც თავის მხრივ მისცემთ შესაძლებლობას გარიგების პარტნიორის სტატუსით გასწიონ აუდიტორული მომსახურება;
- შეაფასონ ნებისმიერი ორგანიზაციულ-სამართლებრივი ფორმის სამეურნეო სუბიექტის ფინანსური სტაბილურობის ხარისხი თანამედროვე მეცნიერული მეთოდებისა და სპეციალური ელექტრონული საშუალებების გამოყენებით;
- ეფექტურად გამოიყენონ საინფორმაციო სისტემები (ელექტრონული პროგრამები) ბუღალტრული აღრიცხვის წარმოებისათვის, ფინანსური ანგარიშგების მომზადებისა და წარდგენისათვის, აუდიტორული შემოწმების ჩატარებისათვის.

სწავლის შედეგები და კურსდამთავრებულთა კომპეტენციები

პროგრამის ძირითადი მიზნის მიღწევის პროცესში მაგისტრანტებს გამოუმუშავდებათ შემდეგი კომპეტენციები და უნარ-ჩვევები, რაც განსაზღვრავს საბუღალტრო აღრიცხვასა და აუდიტში ბიზნესის ადმინისტრირების მაგისტრის კვალიფიკაციას:

ცოდნა და გაცნობიერება

პროგრამის კურსდამთავრებულს ექნება საბუღალტრო აღრიცხვის და აუდიტის ღრმა და სისტემური ცოდნა, რომელიც მისცემს ახალი, ორიგინალური იდეების შემუშავების საშუალებას, გააცნობიერებს ცალკეული სააღრიცხვო პრობლემის არსს და დასახავს მათი გადაჭრის გზებს. კერძოდ, ეცოდინება:

- ფინანსური აღრიცხვის საერთაშორისო სტანდარტებისა და აუდიტის საერთაშორისო სტანდარტების მოთხოვნები;
- ფინანსური და მმართველობითი აღრიცხვის სრულყოფილად წარმოების ყველა ასპექტი, ანალიზისა და აუდიტის ჩატარების ტექნიკა;
- ფინანსური ანგარიშგების მომზადება ფინანსური ანგარიშგების საერთაშორისო სტანდარტების შესაბამისად;
- მმართველობითი და საგადასახადო ანგარიშგებების მომზადება საქართველოს კანონმდებლობისა და საუკეთესო საერთაშორისო პრაქტიკის შესაბამისად;
- პროფესიული ეთიკის კოდექსის მოთხოვნები და მათი პრაქტიკაში გამოყენების ასპექტები;
- საინვესტიციო ალტერნატივების შეფასება სარისკო გარემოში;
- კორპორაციის ფინანსური მდგომარეობისა და ტენდენციების ანალიზის თანამედროვე მეთოდები;
- საწარმოების საქმიანობის საბოლოო ფინანსური შედეგების, მომგებიანობისა და ფინანსური სტაბილურობის ანალიზის ტექნიკა;
- თანამედროვე ელექტონული პროგრამები, რომლებიც აუცილებელია ეკონომიკური ამოცანების პროგნოზირებისა და რეგულირებისათვის;
- ეკონომიკური მოვლენის მოდელირება მათემატიკურ-სტატისტიკური მეთოდების გამოყენებით.

ცოდნის პრაქტიკაში გამოყენება

პროგრამის წარმატებით გავლის შედეგად კურსდამთავრებულს შეეძლება ახალ, გაუთვალისწინებელ და ძნელად პროგნოზირებად ეკონომიკურ გარემოში მოქმედება; კომპლექსური პრობლემების გადაწყვეტის ახალი, ორიგინალური გზების ძიება, მათ შორის კვლევის

დამოუკიდებლად განხორციელება უახლესი მეთოდებისა და მიდგომების გამოყენებით, რითაც ის შეძლებს:

- მოამზადოს ფინანსური, მმართველობითი და საგადასახადო ანგარიშგება შესაბამისი მოთხოვნების დაცვით;
- დაასაბუთოს მმართველობითი გადაწყვეტილებები სათანადო მეთოდების გამოყენებით და საკუთარ თავზე აიღოს პასუხისმგებლობა ამ გადაწყვეტილებებზე;
- მოახდინონ კონკრეტული ფინანსური მაჩვენებლების განვითარების პროგნოზირება მაკრო და მიკრო დონეზე;
- მოამზადოს ორგანიზაციის საქმიანობის ცალკეული მიმართულებების ან/და მთლიანად ორგანიზაციის აუდიტის გეგმა და პროგრამა საერთაშორისო სტანდარტების შესაბამისად, გარიგების პარტნიორის საერთო კოორდინაციით;
- მოახდინოს საფინანსო-ეკონომიკური რისკების შეფასების საფუძველზე ეკონომიკური აგენტების ქცევის სტრატეგიის დასაბუთება;
- გამოიყენოს თანამედროვე ელექტრონული საშუალებები (პროგრამები) საფინანსო-სააღრიცხვო მაჩვენებლების ანალიზისა და შეფასებისათვის, ფინანსური ანგარიშგების მომზადებისა და წარდგენისათვის;
- მოახდინოს სამეცნიერო კვლევის შედეგების გააზრება თანამედროვე მეთოდოლოგიურ საფუძველებზე;
- გამოიყენოს ლოგიკის კანონები და ხერხები არგუმენტაციის მიზნით სამეცნიერო დისკუსიებსა და ყოველდღიურ ურთიერთობაში;
- არგუმენტირებული არჩევანის გაკეთება რეალურ ცხოვრებაში არსებული სხვადასხვა საინვესტიციო ალტერნატივების შეფასებისას და მათ მომგებიანობასთან დაკავშირებით ჩამოაყალიბოს რელევანტური და არგუმენტირებული შეფასებები რისკის შემცველი და არაპროგნოზირებადი გარემოს მიუხედავად;
- შეაფასოს კორპორაციაში მიმდინარე პროცესები, ტენდენციები და მოსალოდნელი შედეგები, კორპორაციის ფინანსური მდგრადობა;
- განსაზღვროს წარმოების პროცესის უწყვეტობისათვის საჭირო მარაგების ოპტიმალური რაოდენობა, დებიტორული მოთხოვნების მართვის სტრატეგია და პოლიტიკა, საბრუნავი კაპიტალის დაფინანსების ოპტიმალური სტრუქტურა.
- კაპიტალის კომპონენტების ღირებულებათა შეფასების საფუძველზე, დასახოს კომპანიის კაპიტალის სტრუქტურის ოპტიმიზაციის კონკრეტული გეგმა.

დასკვნის უნარი

პროგრამის წარმატებით გავლის შემთხვევაში კურსდამთავრებულს ექნება რთული და არასრული ინფორმაციის (მათ შორის უახლესი კვლევების) კრიტიკული ანალიზის საფუძველზე დასაბუთებული დასკვნების ჩამოყალიბების, უახლეს მონაცემებზე დაყრდნობით ინფორმაციის ინოვაციური სინთეზის უნარი; აღრიცხვისა და აუდიტის სფეროში მიმდინარე მოვლენების როგორც მიკრო, ასევე მაკრო დონეზე შეფასების და დასკვნების გაკეთების უნარი.

კომუნიკაციის უნარი

პროგრამის წარმატებით გავლა კურსდამთავრებულს ჩამოუყალიბებს ისეთ უნარებს, როგორცაა: კრიტიკული აზროვნების უნარ-ჩვევები წერითი და ზეპირი კომუნიკაციით; საჯარო გამოსვლისა და მეცნიერული მეტყველების უნარი; საქმიანი კომუნიკაციის უნარი; სხვადასხვა სახის საფინანსო-სააღრიცხვო დოკუმენტების ელექტრონული ფორმით გაგზავნის, მიღებისა და დამუშავების უნარი და ა.შ.

სწავლის უნარი

პროგრამის წარმატებით გავლის შედეგად კურსდამთავრებულს ჩამოუყალიბდება: სწავლის დამოუკიდებლად წარმართვის უნარი, სწავლის პროცესის თავისებურებების გაცნობიერებისა და სტრატეგიულად დაგეგმვის უნარი, საკუთარი ცოდნის მუდმივად განახლებისა და პროფესიული კვალიფიკაციის სისტემატიური ზრდის უნარი, პროფესიული სიახლეების ათვისების უნარი და ა.შ.

ღირებულებები

პროგრამის წარმატებით გავლა კურსდამთავრებულს ჩამოუყალიბებს პროფესიული ღირებულებებისადმი თავისი და სხვების დამოკიდებულების შეფასებისა და ახალი ღირებულებების დამკვიდრებაში წვლილის შეტანის უნარს.

დასაქმების სფერო

წარმოდგენილი მაგისტრატურის პროგრამის კურსდამთავრებულს წარმატებით შეეძლება დასაქმება საშუალო და მაღალი (სათანადო პრაქტიკული გამოცდილების მიღების შემდეგ) დონის მმართველობით რგოლებში, როგორც საჯარო, ისე კერძო სექტორებში, ბიზნეს ორგანიზაციებში, არასამთავრობო სექტორში, სხვადასხვა ფინანსურ ინსტიტუტებში, უმაღლეს სასწავლო დაწესებულებებში და ა.შ. კერძოდ:

- ნებისმიერი ორგანიზაციულ-სამართლებრივი ფორმის კომპანიების ეკონომიკურ, ფინანსურ და ანალიზის სამსახურებში ხელმძღვანელ თანამდებობებზე;
- სახელმწიფო და მუნიციპალური ორგანოების საფინანსო, საგადასახადო და საკონტროლო-სარევიზიო სამსახურებში;
- აუდიტორულ და ბიზნეს საკონსულტაციო ფირმებში;
- შესაბამისი პროფილის სამეცნიერო-კვლევით და საგანმანათლებლო ორგანიზაციებში;

- საერთაშორისო და ტრანსნაციონალური კომპანიების საფინანსო და საბუღალტრო აღრიცხვის სამსახურებში;
- სხვადასხვა სახის ფინანსური ინსტიტუტების საკრედიტო და საბუღალტრო აღრიცხვის სამსახურებში და სხვა.

საგანმანათლებლო პროგრამის სახელწოდება	ფინანსები, საბანკო და სადაზღვევო საქმე	
უმაღლესი განათლების საფეხური	მაგისტრატურა	
სწავლების ენა	ქართული	
მისანიჭებელი კვალიფიკაცია:	ბიზნესის ადმინისტრირების მაგისტრი ფინანსებში	
პროგრამის მოცულობა კრედიტებით:	კურსის ტიპი	ECTS კრედიტი
	სავალდებულო კურსები	47
	არჩევითი კურსები	10
	თავისუფალი კრედიტები	63
	სულ	120
პროგრამის სტანდარტული ხანგრძლივობა:	2 აკადემიური წელი. (დასაშვები ხანგრძლივობაა 3 აკადემიური წელი)	

პროგრამაზე დაშვების წინაპირობა

მაგისტრატურის პროგრამაზე ჩარიცხვის წინაპირობაა საერთო სამაგისტრო გამოცდის ჩაბარების დამადასტურებელი სერთიფიკატის წარმოდგენა და უნივერსიტეტის მიერ ორგანიზებულ სპეციალობის საგნის/საგნების და ინგლისური ენის წერილობით გამოცდებში დადებითი (მინიმალური 51 ქულა) შეფასების მიღება.

სპეციალობის საგანში/საგნებში გამოცდის მიზანია, დაადგინოს აქვს თუ არა აღნიშნულ მაგისტრატურის პროგრამაზე სწავლის მსურველ პირს ფინანსების, საბანკო და სადაზღვევო საქმის საბაზისო ცოდნა, რაც აუცილებელია მაგისტრატურის პროგრამის წარმატებით გავლისათვის.

ინგლისურ ენაში გამოცდის მიზანია, დაადგინოს ფლობს თუ არა მაგისტრანტი ინგლისურ ენას B2 დონეზე.

ქუთაისის უნივერსიტეტის საზოგადოებრივ მეცნიერებათა ფაკულტეტის მაგისტრატურაში მიიღებიან ბაკალავრის, მაგისტრის, დოქტორის ან მათთან გათანაბრებული აკადემიური ხარისხის მქონე პირები.

სფეროს აღწერა და პროგრამის აქტუალობა

წარმოდგენილი მაგისტრატურის პროგრამა ორიენტირებულია ბიზნესის ადმინისტრირების პროფილის მაღალკვალიფიციური სპეციალისტების მომზადებაზე. პროგრამა ითვალისწინებს ფინანსების თანამედროვე თეორიების პარალელურად გამოყენებითი ფინანსური დისციპლინების შესწავლას. ამგვარად ორგანიზებული სისტემა საშუალებას აძლევს კურსდამთავრებულებს სწავლის დასრულების შემდეგ წარმატებით განაგრძონ პრაქტიკული ან/და სამეცნიერო-კვლევითი საქმიანობა.

პროგრამა მიმართულია მაღალკვალიფიციური, კონკურენტუნარიანი სპეციალისტების მომზადებაზე, რომლებიც შეიარაღებულნი იქნებიან ბიზნესის მართვის თეორიული ცოდნითა და პრაქტიკული უნარ-ჩვევებით, სამეცნიერო კვლევისა და შემოქმედებითი მუშაობის უნარებით.

პროგრამის ფარგლებში მაგისტრანტები გამოიმუშავენ ინფორმაციის მოპოვების, სისტემატიზაციის, დამუშავებისა და ანალიზის უნარებს, რომელიც მათ საშუალებას მისცემთ, მათ მიერ შექმნილი საფინანსო მომსახურების პროდუქტები იყოს მაღალკვალიფიციური.

საგანმანათლებლო პროგრამის მიზანი:

მაგისტრატურის პროგრამის ძირითადი მიზანია: ბიზნეს ურთიერთობათა სფეროში ღრმა და სისტემური ცოდნის მქონე კადრების მომზადება, რომლებიც ფლობენ ბიზნესის მართვის მეთოდოლოგიას, კორპორაციათა ბიზნეს-სტრატეგიების შემუშავებისა და რეალიზაციისათვის საჭირო კვალიფიკაციას, შეუძლიათ მიღებული ცოდნის პრაქტიკულ და/ან აკადემიურ საქმიანობაში ეფექტიანად გამოყენება, ფინანსების სფეროში აქტუალური პრობლემების, პრიორიტეტების გამოკვეთა და მათი გადაწყვეტა; ასევე შეუძლიათ, შეაფასონ ბიზნესისა და ფინანსების სფეროში მიმდინარე ლოკალური და გლობალური მაკროეკონომიკური პროცესები, ახსნან მათი გამომწვევი მიზეზები და მოსალოდნელი შედეგები.

მაგისტრატურის პროგრამის ძირითადი ამოცანებია:

- ფინანსების თანამედროვე კონცეფციების საფუძველზე ინვენსტირებასა და ფინანსირებაზე გადაწყვეტილებების მიღების მექანიზმების შესახებ ცოდნის ჩამოყალიბება;

- საქართველოსა და სხვა მზარდ ბაზრებზე ფინანსური კონცეფციების აპრობირებული ცოდნის გამოყენება;
- ფინანსური გადაწყვეტილებების კომპლექსის (ფინანსირების, ინვესტირების, სტრატეგიული მართვის, კონტროლის და ა.შ.) ანალიზის უნარის გამომუშავება;
- ფინანსური სტრატეგიების შემუშავების კომპეტენციების ჩამოყალიბება;
- ეკონომიკის სხვადასხვა სექტორის კომპანიების მართვაში ინოვაციური მიდგომების უნარ-ჩვევების გამომუშავება, რაც ორიენტირებულია გლობალიზაციის პირობებში სტრატეგიული მდგრადობის მიღწევაზე.
- ლოკალურ და გლობალურ დონეზე მიმდინარე საფინანსო-ეკონომიკური პროცესების ანალიზისა და შეფასების უნარის გამომუშავება;
- ბიზნესის ციკლის მიმდინარე ფაზის ობიექტური შეფასებისათვის საჭირო ცოდნის მიღება.

სწავლის შედეგები და კურსდამთავრებულთა კომპეტენციები

პროგრამის ძირითადი მიზნის მიღწევის პროცესში მაგისტრანტებს გამოუმუშავდებათ კომპეტენციები და უნარ-ჩვევები, რომლებიც აუცილებელია ფინანსური სტრატეგიების შემუშავებისას. პროგრამის კურსდამთავრებული მზად იქნება ლოკალურ და საერთაშორისო კომპანიებში მუშაობისათვის, საფინანსო-კონსალტინგური მომსახურების მწარმოებელი ბიზნეს ოპერატორის დაფუძნებისა და მართვისათვის. ის იოლად ჩაებმება პროფესიული საქმიანობის გარემოში. ამისათვის პროგრამაში მსოფლიო თეორიული გამოცდილების პარალელურად განსაკუთრებული აქცენტი კეთდება გამოყენებითი უნარ-ჩვევების გამომუშავებაზე.

ცოდნა და გაცნობიერება

პროგრამის წარმატებით გავლის შედეგად მაგისტრი შეიძენს ამ სფეროს ღრმა, სისტემურ და უახლეს ინფორმაციაზე დაფუძნებულ ცოდნას, კერძოდ:

- დაეუფლება ფინანსურ მენეჯმენტთან დაკავშირებულ მრავალმხრივ ცოდნას. შეისწავლის საწარმოს საფინანსო-ეკონომიკური ანგარიშების სრულფასოვან ანალიზს, საწარმოო ოპერაციების და გასაღების, აგრეთვე მარაგების მართვის ოპტიმიზაციის, ბიუჯეტის შედგენის, კაპიტალზე მოთხოვნილების განსაზღვრის, ინვესტიციების მოძიების და ეფექტიანობის შეფასების მეთოდებს;
- საბანკო ბიზნესთან დაკავშირებით დაეუფლება ბანკის აქტივების, პასივების და ლიკვიდურობის მართვის, აგრეთვე აქტიური (მ.შ. საკრედიტო) და პასიური (დეპოზიტური და არადეპოზიტური) ოპერაციების მართვის მეთოდებს, გაეცნობა საბანკო საქმის სახელმწიფო რეგულირების (მ.შ. საქართველოს საბანკო კანონმდებლობის მიხედვით) მნიშვნელოვან მომენტებს;

- გაეცნობა საერთაშორისო ფინანსური ნაკადების, მსოფლიო საფინანსო და სავალუტო ბაზრების მექანიზმს, მის გავლენას ეკონომიკური სუბიექტების ფინანსური მუშაობის სპეციფიკაზე, მმართველობითი გადაწყვეტილებების მიღების ვარიანტებზე;
- დაეუფლება საერთაშორისო ფინანსების სფეროში მიმდინარე პროცესების სიღრმისეული ანალიზისათვის საჭირო ცოდნას. შეძლებს პროცესის განვითარების შესაძლო სცენარებისა და კორპორაციათა ფინანსებზე მათი გავლენის შედეგების შეფასებას;
- ექნებათ ღრმა და სისტემური ცოდნა ბიზნესის გარემოს სამართლებრივი რეგულირების მრავალმხრივი მიმართულებების - საერთაშორისო სავაჭრო, საფინანსო, საბანკო, საინვესტიციო, სადაზღვევო, საბაჟო სისტემის მარეგულირებელი ნორმებისა და კონვენციების შესახებ, რაც აუცილებელია თანამედროვე ეტაპზე საერთაშორისო ბიზნესის სამართლებრივი რეგულირებისათვის, გლობალური ბიზნეს გარემოს ანალიზისა და გადაწყვეტილებების შემუშავებისათვის;
- გაცნობიერებული ექნებათ რა არის რისკი, როგორ მოქმედებს ის ეკონომიკურ გადაწყვეტილებებზე; გააზრებული ექნებათ რისკების დივერსიფიკაციის მნიშვნელობა, პორტფელური თეორია და სტატისტიკური ანალიზის ინსტრუმენტები; შემოსავლების ალბათობა და სტანდარტული გადახრა, როგორც რისკის საზომი;
- მიღებული ექნება ფართო ცოდნა სახელმწიფო შესყიდვების სფეროში. მათ შორის ეცოდინება სახელმწიფო შესყიდვების დაგეგმვისა და განხორციელების პროცედურები.
- იყოს კონკურენტუნარიანი შესაბამისი სპეციალობის შრომით ბაზარზე;
- შეძლოს მიღებული ცოდნის გამოყენება სადაზღვევო მენეჯერის პროფესიულ პრაქტიკაში, მ.შ. ახალ და წინასწარ გაუთვალისწინებელ გარემოში.

დასკვნის უნარი

პროგრამის კურსდამთავრებულს ბიზნესის ადმინისტრირების სფეროსათვის დამახასიათებელი რთული, ხშირად წინააღმდეგობრივი ინფორმაციის კრიტიკული ანალიზის საფუძველზე შეეძლება დასაბუთებული დასკვნების ჩამოყალიბება, მონაცემთა უწყვეტ ნაკადზე დაყრდნობით კი - ინფორმაციის ინოვაციური სინთეზი. ასევე შეეძლება არასრულ და შეზღუდულ ინფორმაციაზე დაყრდნობით მოსაზრების ჩამოყალიბება, პრობლემის სწორი იდენტიფიცირება და საჭიროების შემთხვევაში დამატებითი რესურსების მოძიება/გამოყენება. ეს მას დაეხმარება პროფესიულ თვითგანვითარებაში;

კომუნიკაციის უნარი

პროგრამის კურსდამთავრებულს შეეძლება თავისი დასკვნების და არგუმენტაციების დამაჯერებელი გადმოცემა, გამართული კომუნიკაცია აკადემიურ და პროფესიულ საზოგადოებასთან; დაეუფლება თანამედროვე საინფორმაციო და საკომუნიკაციო ტექნოლოგიების შემოქმედებითი გამოყენების ხერხებს, რაც მეტად მნიშვნელოვანია მენეჯერის ყოველდღიურ პრაქტიკაში;

სწავლის უნარი

პროგრამის წარმატებით გავლის შემთხვევაში კურსდამთავრებული შეძლებს სწავლების და კვლევის დამოუკიდებელ დაგეგმვას და განხორციელებას, თვისობრივად ახალი სიტუაციების სწორ განაალიზებას და პროექტების დამუშავებას, განახლებადი თეორიული ცოდნის და პრაქტიკული საქმიანობის მუდმივი სინთეზით პროფესიონალური თვისებების უწყვეტ განვითარებას.

ღირებულებები

პროგრამა კურსდამთავრებულს ჩამოუყალიბებს უნარს, კრიტიკულად შეაფასოს როგორც საკუთარი, ისე კოლეგების პროფესიული ღირებულებები (კომპეტენტურობა, პატიოსნება, ობიექტურობა და ა.შ.). ის თვითონაც დააფასებს და თავის წვლილს შეიტანს პოზიტიური ფასეულობების, მ.შ. საქმიანობის ამ სფეროსათვის მეტად მნიშვნელოვანი ბიზნესის ეთიკის და სოციალური პასუხისმგებლობის ღირებულებათა დამკვიდრებაში.

დასაქმების სფერო

წარმოდგენილი მაგისტრატურის პროგრამის კურსდამთავრებულს წარმატებით შეეძლება დასაქმება საშუალო და მაღალი დონის მმართველობით რგოლებში, როგორც საჯარო მართვის, ისე კერძო სექტორებში, ბიზნესორგანიზაციებში, არასამთავრობო სექტორში, სხვადასხვა ფინანსურ ინსტიტუტებში, უმაღლეს სასწავლო დაწესებულებებში და ა.შ. კერძოდ:

- თვითდასაქმება საფინანსო კონსალტინგური მომსახურების სფეროში. შესაბამისი პროფილის ბიზნეს სუბიექტის დაფუძნება და მართვა.
- ნებისმიერი ორგანიზაციულ-სამართლებრივი ფორმით ფუნქციონირებადი კერძო კომპანიების მმართველობითი რგოლები თუ შესაბამისი სტრუქტურული ერთეულები;
- სხვადასხვა ფინანსური ინსტიტუტები და საკრედიტო დაწესებულებები: საინვესტიციო კომპანიები და ფონდები, კომერციული ბანკები, არასაბანკო საფინანსო-საკრედიტო დაწესებულებები, საფონდო და სავალუტო ბირჟები, სადაზღვევო კომპანიები, საპენსიო ფონდები და ა.შ.;

- საერთაშორისო ორგანიზაციების და საკონსულოების, თუ სხვადასხვა დიპლომატიური წარმომადგენლობების საფინანსო მიმართულების სამსახურები/დეპარტამენტები;
- შესაბამისი მიმართულების მქონე საქართველოს სამინისტროები და მათი ტერიტორიული ერთეულები;
- სახელმწიფო რწმუნებულის-გუბერნატორის ადმინისტრაციები და საქართველოს თვითმმართველი ქალაქებისა და მუნიციპალიტეტების მმართველობითი ორგანოები და ა.შ;
- საგანმანათლებლო დაწესებულებები და სხვ.

ქუთაისის
უნივერსიტეტი

სადოქტორო პროგრამა

საგანმანათლებლო პროგრამის სახელწოდება	ეკონომიკა	
უმაღლესი განათლების საფეხური	დოქტორანტურა	
სწავლების ენა	ქართული	
მისანიჭებელი კვალიფიკაცია:	ეკონომიკის დოქტორი	
პროგრამის მოცულობა კრედიტებით:	კურსის ტიპი	ECTS კრედიტი
	სასწავლო კომპონენტი	60
	კვლევის კომპონენტი	120
	სულ	180
პროგრამის სტანდარტული ხანგრძლივობა:	3 აკადემიური წელი. (დასაშვები ხანგრძლივობაა 6 აკადემიური წელი)	

პროგრამაზე დაშვების წინაპირობა

პროგრამაზე დაშვებისათვის აუცილებელია მაგისტრის ხარისხი, ან მასთან გათანაბრებული ერთსაფეხურიანი სწავლების დიპლომი ეკონომიკაში/ბიზნესის ადმინისტრირებაში. სხვა სპეციალობის პრეტენდენტებისათვის სავალდებულოა მაგისტრის (ან მასთან გათანაბრებული) ხარისხი და არანაკლებ 2 წლიანი პრაქტიკული გამოცდილება ეკონომიკის/ბიზნესის ადმინისტრირების მიმართულებით (თანაბარ პირობებში უპირატესობა მიენიჭება იმ კონკურსანტებს, რომელთაც ექნებათ სამეცნიერო პუბლიკაციები ეკონომიკის ან ბიზნესის თემატიკაზე, სხვადასხვა სამეცნიერო კონფერენციების და ფორუმების მონაწილეებს (სამეცნიერო კონფერენციებში მონაწილეობის დამადასტურებელი დიპლომი და შრომების კრებული სხვა საბუთებთან ერთად უნდა იყოს წარმოდგენილი); ინგლისური, გერმანული ან ფრანგული ენის ცოდნა B2 დონეზე.

საგანმანათლებლო პროგრამის მიზანი

წარმოდგენილი პროგრამის შემუშავება განპირობებულია საქართველოს ეკონომიკის წინაშე მდგომი ისეთი აქტუალური პრობლემებით, როგორცაა: მდგრადი ეკონომიკური ზრდის უზრუნველყოფა, ფისკალური სისტემის ეფექტიანობის ამაღლება, ეკონომიკის სტრუქტურული ტრანსფორმაციის პროცესში მაკროეკონომიკური სტაბილურობის უზრუნველყოფა, საქართველოში ჯერ კიდევ

ფორმირებაში მყოფი მაკროეკონომიკური და რეგიონული სკოლების არსებობა, ამ სფეროში საზღვარგარეთის უნივერსიტეტებთან სუსტი კონტაქტები და სხვა.

დოქტორანტურა ითვალისწინებს ეკონომიკური სფეროს კვლევას პროფესიულ დონეზე. დოქტორანტი უნდა ახდენდეს ახალი და ორიგინალური ცოდნის დემონსტრირებას.

დოქტორანტურის პროგრამის მიზანია არაიდეოლოგიზირებული მაღალკვალიფიციური მეცნიერ-მკვლევარის მომზადება აკადემიური და ბიზნეს კარიერისათვის, რომელიც შეძლებს ისეთ პრობლემებში ჩართვასა და მათ გადაჭრას, როგორცაა:

- მაკროეკონომიკური და რეგიონული პოლიტიკის შემუშავება, შესაბამისი პრობლემების მოსაგვარებლად ახალი მოდელების შემუშავებაში მონაწილეობა;
- პოლიტიკური და სამეურნეო მოვლენების გამოვლენა და პროგნოზირება;
- სოციალურ-ეკონომიკურ სისტემასთან და ინსტიტუტებთან, ეროვნულ და რეგიონულ ეკონომიკებთან დაკავშირებული ფაქტების, პროცესებისა და ტენდენციების ღრმა ანალიზი ისტორიული რეტროსპექტივის გათვალისწინებით;
- მიკროდონეზე ეკონომიკური სუბიექტების ფუნქციონირების დეტალურ ანალიზსა და შესაბამისი რეკომენდაციების შემუშავებას;
- სოციალურ-ეკონომიკური სფეროსათვის დამახასიათებელი ფაქტების, ფორმირების, ევოლუციის და ტრანსფორმაციის ძირითადი პრობლემატიკის გაშუქება;
- ფისკალური დეცენტრალიზაციის მოდელების დამუშავება;
- მსოფლიო ეკონომიკური ტენდენციების გათვალისწინებით საქართველოს როლისა და ადგილის განსაზღვრა გლობალიზაციის პირობებში;
- წვლილის შეტანა ქართული ეკონომიკური სკოლის ფორმირებაში.

ძირითადი მიზანი მიიღწევა შემდეგ ამოცანათა გადაჭრით:

- დოქტორანტების მიერ მეცნიერული კვლევის თანამედროვე მეთოდების და ხერხების დაუფლება;
- დოქტორანტებისათვის დამოუკიდებელი სამეცნიერო კვლევების განხორციელების შესაძლებლობების გაღრმავება და სამეცნიერო-ანალიტიკური უნარის განვითარება;
- კრიტიკული აზროვნების უნარის განვითარება;
- პედაგოგიური მუშაობის თეორიული ასპექტების გაცნობა და სწავლების პრაქტიკული გამოცდილების დაგროვება;
- თეორიული ცოდნის პრაქტიკაში გამოყენებისა და პრობლემების დაძლევის შესაძლებლობების განვითარება;
- სამეცნიერო გამოცემებთან მეცნიერული კონტაქტების დამყარების, სამეცნიერო კონფერენციებში, ფორუმებში და ა.შ. მონაწილეობის უნარის განვითარება;
- პრეზენტაციის და კომუნიკაციის ხელოვნების დახვეწა და სრულყოფა;

- აღნიშნული ამოცანების გადაჭრის შედეგად დოქტორანტებისათვის სწავლის შედეგებად მოიაზრება:

ცოდნა და გაცნობიერება

- ფართო, ღრმა და სისტემური ცოდნა ეკონომიკაში, რომელიც დარგობრივ სფეროში რეფერირებადი პუბლიკაციისათვის აუცილებელი სტანდარტის დონეზე მუშაობის საშუალებას იძლევა;
- ეკონომიკური პოლიტიკის მეცნიერული შეფასება და პროგნოზირება, საჯარო წარმოდგენა, მათი მკაფიო დასაბუთება შესაბამისი ცოდნითა და ლოგიკით;
- ეკონომიკის სტრუქტურული ტრანსფორმაციის პროცესში მაკროეკონომიკური სტაბილურობის
- მისაღწევად აუცილებელი გარემო პირობების განსაზღვრა;
- სხვადასხვა თეორიებისა და ეკონომიკური მიმდინარეობების მიხედვით არსებული ცოდნის ხელახალი გააზრებისა და ნაწილობრივ გადაფასების გზით ცოდნის განახლებული ფარგლების გაცნობიერება.

ცოდნის პრაქტიკაში გამოყენების უნარი

- დამოუკიდებელი დაგეგმვა და მონაწილეობა მაკროეკონომიკურ (რეგიონული განვითარების) პროგრამებში და პროექტებში, ფირმის სტრატეგიის შემუშავებაში;
- ბიზნესების საქმიანობაზე მაკრო, მიკრო და მეზოეკონომიკური ფაქტორების ზეგავლენის განსაზღვრის და შესაბამისი სტრატეგიების შემუშავების უნარი;
- საკუთარ საქმიანობაში მიკრო, მაკრო და მეზოდონეზე კვლევის ახლებური მეთოდების და მიდგომების გამოყენების უნარი, რაც ახალი ცოდნის შექმნაზეა ორიენტირებული და აისახება საერთაშორისო რეფერირებად პუბლიკაციებში;
- შესაბამისი ბიბლიოგრაფიული რესურსების, არქივების და სხვა ინფორმაციული წყაროების გამოვლენისა და შეფასების უნარი;

დასკვნის უნარი

- საქართველოში მიმდინარე ეკონომიკური რეფორმებისა და ეკონომიკური ტენდენციების კრიტიკული ანალიზი, მიღებული შედეგების შეჯერება და სინთეზი, დასკვნის განზოგადება;
- ეკონომიკის კვლევის მაკრო და რეგიონულ დონეებზე დიფერენცირების, გამოთანაბრების პოლიტიკისა და მართვის ეფექტიანობის ზრდის შესახებ მეცნიერული დასკვნების განზოგადება;
- მიკრო, მაკრო და მეზოდონეზე პრობლემის გადაჭრისათვის დამოუკიდებლად სწორი და ეფექტური გადაწყვეტილების დამოუკიდებლად მიღება.

კომუნიკაციის უნარი

- ეკონომიკაში არსებული ცოდნის ახალ ცოდნასთან ურთიერთკავშირში დასაბუთებულად, სწორად და გარკვევით წარმოჩენა/მიწოდება;

- კოლეგებთან და მეცნიერთა ფართო წრეებთან, საზოგადოებასთან ეკონომიკურ სფეროში კომუნიკაციის უნარი;
- საინფორმაციო ტექნოლოგიების ფართოდ გამოყენება სამეცნიერო და ბიზნეს-წრეებთან ურთიერთობისათვის;
- საერთაშორისო სამეცნიერო საზოგადოებასთან თემატურ პოლემიკაში უცხოურ ენაზე ჩართვის უნარი, რისი წინაპირობაც არის ინგლისური, გერმანული ან ფრანგული ენის ცოდნა სათანადო დონეზე.

სწავლის უნარი

ეკონომიკურ დისციპლინათა სისტემური ცოდნიდან გამომდინარე ახალი იდეების ან პროცესების განვითარების მზაობა სწავლის/საქმიანობის და კვლევის პროცესში.

ღირებულებები

- ეკონომიკის სფეროში იკვლევს ღირებულებათა დამკვიდრების გზებს და მათ დასამკვიდრებლად შეიმუშავებს ინოვაციურ მეთოდებს;
- საქართველოში ჯერ კიდევ ფორმირებაში მყოფი მაკროეკონომიკური და რეგიონული სკოლების განვითარების ხელშეწყობა, ამ სფეროში საზღვარგარეთის უნივერსიტეტებთან სუსტი კონტაქტების გაღრმავებაში წვლილის შეტანა.
- აკადემიური პატიოსნების საყოველთაოდ აღიარებულ ნორმების დაცვა.

დასაქმების სფერო

დოქტორანტურის პროგრამის დასრულების შემდეგ ეკონომიკის აკადემიური დოქტორის ხარისხის მქონე პირი მაღალკვალიფიციური მეცნიერ-ეკონომისტი, რომელიც აღჭურვილია თანამედროვე ცოდნით და უნარ-ჩვევებით.

ეკონომიკის აკადემიურ დოქტორს წარმატებით შეეძლება მუშაობა:

- სახელმწიფო სექტორში;
- ბიზნეს სექტორში;
- ეკონომიკური პროფილის საერთაშორისო ორგანიზაციებში;
- სამეწარმეო სექტორში;
- არასამთავრობო სექტორში;
- საფინანსო ინსტიტუტებში;
- კონსალტინგურ ცენტრებში;
- სამეცნიერო-კვლევით დაწესებულებებში;
- სამეცნიერო/სამეცნიერო-პრაქტიკულ გამოცემებში;
- უმაღლეს სასწავლებლებში.

საჯარო სექტორიდან ეკონომიკის აკადემიური დოქტორის დასაქმების სარეკომენდაციო სტრუქტურებად შეიძლება იქნეს განხილული:

- საქართველოს ეკონომიკისა და მდგრადი განვითარების სამინისტრო (მ.შ. სამინისტროს რეგიონული სტრუქტურები);
- საქართველოს ფინანსთა სამინისტრო (მ.შ. სამინისტროს რეგიონული სტრუქტურები);
- საქართველოს პრეზიდენტის ადმინისტრაცია;
- საქართველოს პარლამენტის აპარატი;
- სახელმწიფო რწმუნებულის-გუბერნატორის ადმინისტრაცია;
- საქართველოს ეროვნული ბანკი;
- საქართველოს ინფრასტრუქტურისა და რეგიონული განვითარების სამინისტრო და მისი უწყებები;
- საქართველოს მთავრობის კანცელარია;
- საქართველოს მუნიციპალიტეტების აღმასრულებელი და წარმომადგენლობითი ორგანოები.

ერთსაფეხურიანი უმაღლესი განათლების სამედიცინო ინგლისურენოვანი პროგრამა

პროგრამის სახელწოდება	დიპლომირებული მედიკოსის საგანმანათლებლო პროგრამა	
სწავლების ენა	ინგლისური	
კვალიფიკაცია	დიპლომირებული მედიკოსი	
კვალიფიკაციის დონე	7	
სფერო/სპეციალობა	091 ჯანდაცვა, 0912 მედიცინა	
სწავლების ციკლი	ერთსაფეხურიანი საგანმანათლებლო პროგრამა	
პროგრამის მოცულობა კრედიტებით	კრედიტების საერთო მოცულობა	360 ECTS (1 ECTS = 30 სთ)
	საათების საერთო ოდენობა	10800
	საკონტაქტო საათები	10800
	საათები დამოუკიდებელი მუშაობისათვის	5483
	სალექციო საათები	5317
	პრაქტიკული მეცადინეობები	1127
	შეფასება	672
პროგრამის ხანგრძლივობა	6 წელი	

პროგრამაზე დაშვების წინაპირობა

პროგრამაზე სწავლის ძირითადი წინაპირობაა ინგლისური ენის B2 დონეზე ფლობა.

საქართველოს კანონის - „უმაღლესი განათლების შესახებ“ 52-ე მუხლის თანახმად:

- პროგრამაზე ჩარიცხვის მსურველი უნდა ფლობდეს სრული საშუალო განათლების დამადასტურებელ სერტიფიკატს;
- საქართველოს მოქალაქეები პროგრამაზე ჩარიცხებიან ერთიანი ეროვნული გამოცდების შედეგების მიხედვით, ინგლისურ ენაში მინიმალური კომპეტენციის ზღვარია 80%;
- პირები, რომლებსაც საქართველოს განათლებისა და მეცნიერების მინისტრის 29.12.2011 №224/ნ ბრძანების „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების

წარდგენისა და განხილვის წესის დამტკიცების შესახებ“ საფუძველზე უფლება აქვთ ჩაირიცხონ უნივერსიტეტში ერთიანი ეროვნული გამოცდების გავლის გარეშე. აღნიშნული პირები ვალდებული არიან დაადასტურონ ინგლისური ენის B2 დონეზე ფლობა, რისთვისაც უნდა წარმოადგინონ ინგლისური ენის ფლობის დამადასტურებელი საერთაშორისო სერთიფიკატი IELTS – ის (>5.0), TOEFL – ის (>45), FCE(B2), ან ჩააბარონ უნივერსიტეტის მიერ ორგანიზებული გამოცდა. გამოცდა ორი ეტაპისგან შედგება, პირველი ეტაპი ითვალისწინებს ონლაინ გასაუბრებას, ხოლო მეორე ეტაპი გულისხმობს ტესტირებას ინგლისურ ენაში.

სფეროს აღწერა და პროგრამის აქტუალობა

შემდგომი დასაქმების სფეროები/კარიერული განვითარების შესაძლებლობები:

საქართველოს მოქმედი კანონმდებლობის თანახმად, ერთსაფეხურიანი საგანმანათლებლო სამედიცინო პროგრამის კურსდამთავრებულს არ აქვს დამოუკიდებელი საექიმო საქმიანობის განხორციელების უფლება, თუმცა მათ შეუძლიათ დასაქმდნენ უმცროსი ექიმის პოზიციაზე და შეასრულონ ექიმის მოვალეობები დამოუკიდებელი საექიმო საქმიანობის უფლების მქონე პირის ზედამხედველობის ქვეშ. (საქართველოს კანონი საექიმო საქმიანობის შესახებ, მუხლი 5). უმაღლესი სამედიცინო განათლების მქონე კურსდამთავრებულს უფლება აქვს განახორციელოს შემდეგი ქმედებები: ა) გააგრძელოს სწავლა დიპლომის შემდგომ საგანმანათლებლო პროგრამაზე (რეზიდენტურა) და მისი დასრულების შემდეგ მოიპოვოს დამოუკიდებელი სამედიცინო საქმიანობის განხორციელების უფლება, შესაბამისი სახელმწიფო სასერტიფიკატო გამოცდის ჩაბარების შემდეგ; ბ) გააგრძელოს მოღვაწეობა როგორც სამეცნიერო-კვლევითი, (მაგისტრატურა, დოქტორანტურა) ასევე აკადემიური მიმართულებებით, მედიცინის თეორიულ, ან ჯანდაცვის ნებისმიერ ნაწილში, რომელიც არ არის დაკავშირებული დამოუკიდებელ საექიმო საქმიანობასთან. (საქართველოს კანონი საექიმო საქმიანობის შესახებ, მუხლი 17).

საგანმანათლებლო პროგრამის მიზანი

პროგრამის მიზანია კომპეტენტური, პაციენტის მიმართ გულისხმიერი და ზრუნვაზე ორიენტირებული ექიმების მომზადება, რომლებიც აღჭურვილნი იქნებიან თანამედროვე საერთაშორისო სტანდარტების შესატყვისი ცოდნით და კლინიკური/კვლევითი უნარებით; რომლებიც აქტიურად იქნებიან ჩართულნი სწავლაში, სიცოცხლის მანძილზე და ხელს წვლილს შეიტანენ საზოგადოების კეთილდღეობაში.

სწავლის შედეგები და კურსდამთავრებულთა კომპეტენციები ცოდნა და გაცნობიერება

სწავლების დასრულების შემდეგ კურსდამთავრებული:

- ავლენს როგორც თეორული პრინციპების, ასევე მედიცინაში გამოყენებული კვლევითი მეთოდოლოგიის სიღრმისეულ ცოდნას სამედიცინო სფეროსათვის სპეციფიკურ დისციპლინებში;
- კრიტიკულად უდგება ახალ ინფორმაციას;
- აანალიზებს და აერთიანებს სხვადასხვა სახის ინფორმაციას, სათანადო დასკვნების გამოტანისა და მათი შემდგომი თვით-განვითარებისათვის გამოყენების მიზნით.

უნარები

კურსდამთავრებულს ექნება შემდეგი უნარები:

- კომპლექსური ხასიათის პრობლემის მულტიდისციპლინურ გუნდში გადაწყვეტა, უახლესი ინფორმაციის გამოყენების გზით;
- კვლევის განხორციელება, ვალიდური და თანამედროვე მეთოდოლოგიის გამოყენებით;
- შეგროვილი ინფორმაციის პროფესიულ საქმიანობაში გამოყენება;
- დროის მართვის, მომავალი აქტივობების სწორად დაგეგმვისა, მათ შესრულებაზე პასუხისმგებლობის აღბისა და რესურსების ეფექტურად გადანაწილების უნარები
- საგანმანათლებლო და საინფორმაციო რესურსების სრული სპექტრის გამოყენება;
- შეხვედრებში მონაწილეობა და საკუთარი აზრის ვერბალური და წერილობითი ფორმით ნათლად გადმოცემა;
- სამედიცინო სფეროსთან დაკავშირებული როგორც ეთიკური, ასევე სამართლებრივი პრინციპების შესაბამისად მოქმედება და პაციენტის უფლებების დაცვა;
- პროფესიული სახის მოლაპარაკებების წარმოება და კონფლიქტის მოგვარება ნებისმიერ პირთან, მათი სოციალური, კულტურული, რელიგიური ან ეთნიკური კუთვნილების მიუხედავად;
- კოლეგებთან და პაციენტებთან სათანადო კომუნიკაცია, სამართლიანობის პრინციპისა და სოციალ-დემოკრატიული ღირებულებების დაცვით.

პასუხისმგებლობა და ავტონომია

კურსდამთავრებულს ექნება უნარი, გამოავლინოს შემდეგი:

- სამუშაო ჯგუფში ადაპტაცია;
- შესაბამისი რესურსების ეფექტურად დაგეგმვა და ადეკვატურად გადანაწილება.

მოსალოდნელი აქტივობებთან შესაბამისად:

- სამუშაოს შესრულებაზე პასუხისმგებლობა;
- მუდმივად სწავლისა და სიახლეების კურსში ყოფნის მნიშვნელობის გაცნობიერება;
- გუნდის გაძლიერებისა და პროფესიული სუბორდინაციის დაცვის უნარი/ ახალი ინფორმაციის მოპოვებისა და მისი გამოყენების უნარი.

დარგობრივი კომპეტენციები

დარგობრივი ცოდნა

- ბიოსამედიცინო, კლინიკური და სოციალური დისციპლინების სიღრმისეული ცოდნა;
- დიაგნოსტიკისა და მკურნალობის პრინციპების საფუძვლიანი ცოდნა;
- ჯანმრთელობის ხელშეწყობისა და ავადობის პრევენციის სიღრმისეული ცოდნა;
- ქცევითი მეცნიერებებისა და სამედიცინო ეთიკის ზედმიწევნით ცოდნა.

პაციენტისათვის კონსულტაციის გაწევა

- ანამნეზის შეკრება;
- ფიზიკური გამოკვლევის ჩატარება;
- პაციენტის ფსიქოემოციური მდგომარეობის სტატუსის შეფასება;
- ვალიდური კლინიკური გადაწყვეტილებების მიღება;
- პაციენტათვის განმარტებების, რჩევების მიცემა და მხარდაჭერის აღმოჩენა.

კლინიკური შემთხვევის შეფასება, გამოკვლევების დანიშვნა, დიფერენციული დიაგნოზის გატარება, დაავადების მართვის გეგმის შესახებ მსჯელობა

- დაავადების კლინიკური მანიფესტაციის სირთულის იდენტიფიცირება და შეფასება;
- შესაბამისი გამოკვლევების დანიშვნა და შედეგების ინტერპრეტაცია;
- დიფერენციული დიაგნოზის გატარება;
- პაციენტის პრობლემების საპასუხოდ, კლინიკური პრობლემის ეფექტურად გადაჭრის და გადაწყვეტილების მიღების უნარის დემონსტრირება, მათ შორის არსებულ მონაცემთა ინტერპრეტაციითა და ინფორმაციის ინტეგრირებით დიფერენციული დიაგნოზის გატარება და ართვის გეგმის შემუშავება;
- პაციენტთან და მის გარემოცვასთან კოლაბორაციით, პაციენტის მდგომარეობის მართვის გეგმის შემუშავება;
- ტერმინალურ მდგომარეობაში მყოფი პაციენტის და მისი გარემოცვის მიმართ მზრუნველობა;
- ქრონიკული დაავადების მართვა, პაციენტის ასაკის, ქრონიკული დაავადების სახის, და ფსიქოლოგიური ზეგავლენის გათვალისწინებით და შესატყვისი სამკურნალო საშუალებების სათანადო გამოყენება.

გადაუდებელი სამედიცინო მდგომარეობის დროს დახმარების გაწევა (პირველადი დახმარება და სარეანიმაციო ღონისძიებების გატარება)

- გადაუდებელი სამედიცინო მდგომარეობების იდენტიფიცირება და შეფასება;
- გადაუდებელი სამედიცინო მდგომარეობების მართვა;

- ბაზისური პირველადი დახმარების გაწევა, ასაკობრივი თავისებურებების გათვალისწინებით (ბავშვებში, ხანდაზმულებში);
- ბაზისური სიცოცხლის შემანარჩუნებელი ღონისძიებების განხორციელება აქტუალური სახელმძღვანელო პრინციპების (გაიდლაინების) შესაბამისად;
- აქტუალური სახელმძღვანელო პრინციპების (გაიდლაინების) შესაბამისი გაფართოებული სიცოცხლისშემანარჩუნებელი ღონისძიებების ჩატარება;
- სიცოცხლის გასაუმჯობესებელი ზომების მიღება, თანამედროვე გაიდლაინების თანახმად;
- ტრავმების მართვა აქტუალური გაიდლაინების შესაბამისად.

მედიკამენტების გამოწერა

- მედიკამენტების ნათლად და მართებულად გამოწერა, პაციენტის ასაკის გათვალისწინებით;
- კლინიკურ კონტექსტთან შესაბამისი წამლების დაკავშირება;
- მედიკამენტებისა და სხვა სახის მკურნალობების შესაბამისობის განხილვა და პაციენტისათვის პოტენციური სარგებლისა და რისკის შეფასება;
- პაციენტისათვის დანიშნული წამლების შესახებ შესაბამისი ინფორმაციის მიწოდება
- ტკივილისა და დისტრესის მართვა;
- მკურნალობის დანიშნისას მედიკამენტების თავსებადობისა და ურთიერთქმედების გათვალისწინება;
- წამლების ურთიერთქმედების შესაძლებლობების, და არასასურველი ეფექტების იდენტიფიცირება და აღრიცხვა.

პრაქტიკული პროცედურების ჩატარება

- სასიცოცხლო ნიშნების: პულსი, სუნთქვა, ტემპერატურა, განსაზღვრა;
- წნევის გაზომვა;
- პერიფერიული ვენის ვენოპუნქტურა (სიმულატორის გამოყენებით);
- პერიფერიული ვენის კათეტერიზაცია (სიმულატორის გამოყენებით);
- სამკურნალო საშუალებების ვენაში შეყვანა და ინფუზიის მოწყობილობის გამოყენება (სიმულატორის გამოყენებით)
- კანქვეშ ან/და კუნთში ინექციის განხორციელება (სიმულატორის გამოყენებით ან პაციენტზე, ზედამხედველობის ქვეშ);
- ჟანგბადის მიწოდება;
- პაციენტის ტრანსპორტირება და მათთან მოპყრობა;
- ნაკერის დადება (სიმულატორის გამოყენებით);
- შარდის ბუშტის კათეტერიზაცია (სიმულატორის გამოყენებით)

- შარდის ანალიზის ჩატარება (სკრინინგ-ტესტების და–Dipstick მეთოდით);
- ელექტროკარდიოგრამის გადაღება;
- ელექტროკარდიოგრამის ინტერპრეტაცია;
- სასუნთქი სისტემის ფუნქციური ტესტების ჩატარება.

ეფექტური კომუნიკაცია სამედიცინო კონტექსტში

- პაციენტთან კომუნიკაცია;
- კოლეგებთან კომუნიკაცია;
- კომუნიკაცია ცუდი ამბის შეტყობინებისას;
- პაციენტის გარემოცვასთან კომუნიკაცია;
- შეზღუდული შესაძლებლობების ან/და განსაკუთრებული საჭიროებების მქონე პირებთან კომუნიკაცია;
- კომუნიკაცია ინფორმირებული თანხმობის მიღების მიზნით;
- წერილობითი კომუნიკაცია (მათ შორის სამედიცინო ჩანაწერების წარმოება);
- აგრესიასთან და კონფლიქტურ სიტუაციებთან გამკლავება და შესაბამისი კომუნიკაცია;
- კომუნიკაცია პაციენტებთან, ვისაც ესაჭიროებათ დამხმარე პირი; (თარგმნას ან/და გადმოცემაში)
- კომუნიკაცია სამართლებრივ ორგანიზაციებთან და მასობრივი ინფორმაციის წყაროებთან;
- კომუნიკაცია ნებისმიერ პირთან, მისი სოციალური, კულტურული, რელიგიური და ეთნიკური კუთვნილების მიუხედავად;
- პაციენტზე ორიენტირებული ინტერვიუს წარმოება, რელევანტური ბიოსამედიცინო და ფსიქოლოგიური ინფორმაციის ეფექტურად შეკრების მიზნით;
- სათანადო კომუნიკაციური უნარებისა და სტრატეგიების გამოყენება, პაციენტთა და მათი გარემოცვისათვის ჯანმთელობის შესახებ ინფორმირებული გადაწყვეტილების მიღების გამარტივების მიზნით.

სამედიცინო პრაქტიკაში ეთიკური და სამართლებრივი პრინციპების გამოყენება

- კონფიდენციალურობის დაცვა;
- ეთიკური პრინციპებისა და ანალიტიკური უნარების გამოყენება კლინიკური საქმიანობის დროს;
- ინფორმირებული თანხმობის მიღება და შესაბამისი ჩანაწერის ჯეროვნად გაკეთება;
- სიკვდილის ცნობის გაცემა;
- ავტოფსიის მოთხოვნა (საქართველოს მოქმედი კანონმდებლობის შესაბამისად);
- მკურნალობისას საქართველოს და საერთაშორისო კანონმდებლობის მოქმედი ნორმების გამოყენება;
- სამედიცინო საქმიანობის მულტიკულტურულ საზოგადოებაში წარმართვა;

- პაციენტის ღირსებისა და უფლებების პატივისცემა, მათ შორის სამედიცინო ხასიათის გადაწყვეტილების მიღების და სამედიცინო დახმარების არჩევანის უფლება.

პაციენტის დაავადებასთან დაკავშირებული ფსიქოლოგიური და სოციალური ასპექტების შეფასება

- დაავადების გამოვლინებისა და მისი პაციენტზე ზემოქმედების ფსიქოლოგიური ფაქტორების შეფასება;
- დაავადების გამოვლინებისა და მისი პაციენტზე ზემოქმედების სოციალური ფაქტორების შეფასება;
- დაავადებასთან დაკავშირებული სტრესის ამოცნობა და იდენტიფიცირება;
- წამალსა და ალკოჰოლზე დამოკიდებულების ამოცნობა;
- პაციენტზე ორიენტირებული ინტერვიუს წარმართვისა უნარი, ბიოსამედიცინო და ფსიქოლოგიური ხასიათის ინფორმაციის შეკრებისას
- პაციენტის არავერბალური ქცევების გათვალისწინება, დაავადებასთან დაკავშირებული ფსიქო-სოციალური ფაქტორების ამოცნობის მიზნით.

მტკიცებულებებზე დაფუძნებული მედიცინის პრინციპების, უნარებისა და ცოდნის გამოყენება

- საექიმო საქმიანობაში მტკიცებულებების გამოყენება;
- შესაბამისი ლიტერატურული კვლევის სწორად განსაზღვრა და ჩატარება;
- გამოქვეყნებული ლიტერატურის კრიტიკულად შეფასების, დასკვნების გამოტანისა და მათი პრაქტიკაში გამოყენების უნარი;
- სხვადასხვა ლიტერატურული წყაროდან მტკიცებულებების მოპოვების და მტკიცებულებების ხარისხის შეფასების საფუძველზე პაციენტის მდგომარეობისათვის რელევანტური გადაწყვეტილების გამოტანის უნარი.

სამედიცინო კონტექსტში უახლესი ინფორმაციისა და საინფორმაციო ტექნოლოგიების გამოყენება

- კლინიკური ჩანაწერების სათანადოდ წარმოება და შენახვა სრული სახით
- სამედიცინო პრაქტიკის ფარგლებში საინფორმაციო ტექნოლოგიების გამოყენება
- სპეციფიკური საინფორმაციო რესურსების მოძიების უნარი;
- ინფორმაციის შენახვის და შემდგომში გამოყენების უნარი;
- პირადი ჩანაწერების (პორტფოლიო) წარმოებისა და მათი შენახვის უნარი;
- კონფიდენციალობისა და პერსონალურ მონაცემთა დაცვა, სამართლებრივი მოთხოვნების შესაბამისად;
- სამედიცინო ინფორმატიკის პრინციპების, მეთოდებისა და არსებული ცოდნის მიმართ ცნობიერება და მათი პრაქტიკაში გამოყენების უნარი.

სამეცნიერო საქმიანობის პრინციპების, მეთოდებისა და ცოდნის გამოყენება სამედიცინო პრაქტიკასა და კვლევაში

- სამეცნიერო კვლევის წარმოების მეთოდოლოგიის ცოდნა;
- კვლევის დიზაინის, დეტალური დაგეგმვის, მიღებული შედეგების დამუშავებისა და დასკვნების გაკეთების უნარი;
- ბიოსამედიცინო მეცნიერებების მიღწევების პრაქტიკულ საქმიანობაში გამოყენების უნარი;
- ბიოსამედიცინო სფეროში არსებული სამეცნიერო ლიტერატურის კრიტიკული ანალიზის საფუძველზე მიმოხილვის/მოხსენების აკადემიურ დონეზე დაწერის უნარი;
- სამეცნიერო კვლევის წარმოების ეთიკური პრინციპების ცოდნა.

ჯანმრთელობის ხელშეწყობის ღონისძიებების განხორციელება, საზოგადოებრივი ჯანდაცვის საკითხებში ჩართულობა, ჯანდაცვის სისტემაში ეფექტურად მუშაობა

- პაციენტისათვის ზიანის მიყენების მინიმალური რისკის მატარებელი მკურნალობის ჩატარება;
- ინფექციის გავრცელების პრევენციისათვის აუცილებელი ზომების მიღება
- საკუთარი ჯანმრთელობის პრობლემების გაცნობიერება და მათი ადეკვატურად შეფასება, პროფესიულ მოვალეობებთან მიმართებით;
- ჯანდაცვის ხელშეწყობ ღონისძიებებში ჩართულობა ინდივიდისა და პოპულაციის დონეზე;
- ჯანდაცვის სისტემის გაუმჯობესებისათვის ლიდერული თვისებების გამოვლენა;
- ჯანდაცვის სისტემაში ცვლილებების განხორციელების ხელშეწყობა, სამედიცინო სერვისებზე ხელმისაწვდომობისა და შედეგების გაუმჯობესების მიზნით;
- პაციენტებთან და მათ ოჯახის წევრებთან მუშაობა, ჯანმრთელობასთან დაკავშირებული ქცევების დანერგვისა და გაუმჯობესების მიზნით;
- საზოგადოებისა და პოპულაციის ჯანმრთელობის გაუმჯობესებაში წვლილის შეტანა.

პროფესიონალიზმი პროფესიონალიზმის ზოგადი მასახასიათებლები

- მიუკერძოებლობა, კეთილსინდისიერება და ეთიკის პრინციპების დაცვა;
- სამედიცინო საქმიანობის სათანადო ხარისხით განხორციელებისათვისა და პროფესიული სრულყოფისთვის მზაობა ;
- კრიტიკული და თვით-კრიტიკული დამოკიდებულება, კრიტიკის მიმღებლობა;
- ემპათია (თანაგრძნობა);
- კრეატიულობა;
- ინიციატიურობა, წარმატებულობის სურვილი;

- ინტერპერსონალური უნარები;
- ლიდერული უნარები.

პროფესიონალიზმი საქმიანობაში

- საკუთარი შესაძლებლობების საზღვრების გაანალიზება და დახმარების თხოვნის უნარი;
- საჭიროებისამებრ დამოუკიდებლად საქმიანობის უნარი;
- პრობლემების გადაწყვეტის უნარი;
- გადაწყვეტილების მიღების უნარი;
- მულტიდისციპლინურ გუნდში მუშაობის უნარი;
- სხვა დისციპლინების ექსპერტებთან კომუნიკაციის უნარი;
- სხვათა გაძლიერების უნარი;
- ახალ სიტუაციებთან მორგების უნარი;
- ორგანიზაციული, დაგეგმვის და დროის მართვის უნარები.

ექიმი, როგორც ექსპერტი

- ანალიზისა და დასკვნების გაკეთების უნარი;
- სწავლის (მათ შორის პროფესიული, ცხოვრების განმავლობაში სწავლა) უნარი;
- ცოდნის პრაქტიკულ საქმიანობაში გამოყენების უნარი;
- სხვათათვის სწავლების უნარი;
- სამეცნიერო-კვლევითი უნარები.

ექიმი გლობალურ კონტექსტში

- მრავალფეროვნებისა მიმართ ცნობიერება და მულტიკულტურულ საზოგადოებაში მუშაობის უნარი;
- სხვა ქვეყნების კულტურისა და მასთან დაკავშირებული თავისებურებების გაცნობიერება;
- საერთაშორისო კონტექსტის გათვალისწინებით მუშაობის უნარი;
- მეორე ენის ფლობა;
- ზოგადი ცოდნა, სამედიცინო სფეროს მიღმა.

პროგრამის სტრუქტურა

დიპლომამდელი სამედიცინო პროგრამის კურიკულუმი ნაწილობრივ ინტეგრირებულ, სისტემაზე დაფუძნებულ ხასიათს ატარებს, რომლის ფარგლებშიც გათვალისწინებულია როგორც ჰორიზონტალური, ასევე ვერტიკალური ინტეგრაცია დისციპლინებს შორის. სპირალური მოდელი ითვალისწინებს საბაზისო საგნების სიღრმისეულ გადახედვას სწავლების მაღალ კურსებზე და მათ განხილვას კლინიკურ დისციპლინებთან კორელაციაში. ვერტიკალური ინტეგრაციის მაგალითები: კლინიკური ფარმაცოლოგია და სამედიცინო გენეტიკა შინაგან

მედიცინასთან - XI სემესტრის განმავლობაში; კლინიკური მიკრობიოლოგია და ინფექციური სნეულებები “მასპინძელი ორგანიზმის დაცვის მექანიზმი” მოდულის ფარგლებში X სემესტრის განმავლობაში. ჰორიზონტალური ინტეგრაციის მაგალითები: საყრდენ-მამოძრავებელი სისტემა, რომელიც აერთიანებს ანატომიის, ჰისტოლოგიის, ემბრიოლოგიის და რადიოლოგიის კომპონენტებს - I სემესტრის განმავლობაში.

პროგრამის მახასიათებლები:

- არჩევითი საგნების გაზრდილი რაოდენობა (ჯამში 31 ECTS კრედიტი, პირველი სემესტრის განმავლობაში 2 კრედიტიდან 6 კრედიტამდე XII სემესტრში)
- კლინიკურ გარემოსთან ადრეული კონტაქტი და კლინიკური უნარ-ჩვევების სრულყოფა 6 წლის განმავლობაში;
- გრძივი მოდულები - პროფესიული განვითარება, კვლევა სიცოცხლის შემსწავლელ მეცნიერებებში (I-VI სემესტრები) და კლინიკური მედიცინა (VII სემესტრი), ინტეგრირებული შემთხვევები კლინიკური აზროვნებისათვის.
- ჰუმანიტარული მეცნიერებები (მედიცინა და ხელოვნება I სემესტრი);
- პროფესიული განვითარების მოდული მოიცავს: კომუნიკაციურ და კლინიკურ უნარებს, სამედიცინო ეთიკას, კლინიკური აზროვნების ქეისებს, პროფესიულ ქცევას, პირად გაცნობიერებულობას და საკუთარ თავზე ზრუნვას და მულტიდისციპლინურ გუნდურ მუშაობას).

სამედიცინო პროგრამა იყოფა 4 ფაზად:

I ფაზა - მედიცინის საფუძვლები (I-II კურსი)

მედიცინის საფუძვლების ფაზა მოიცავს ბიოსამედიცინო მეცნიერებებისა და ადამიანის ორგანიზმის აგებულება-ფუნქციის შესახებ ძირეულ კონცეფციებს. პირველი ორი კურსის განმავლობაში, სტუდენტები გაეცნობიან ადამიანის სხეულის აგებულებას, სიცოცხლის შემსწავლელ მეცნიერებებს და აღნიშნულ სფეროში კვლევის პრინციპებს, ჰუმანიტარულ მეცნიერებებს (მედიცინა და ხელოვნება), პროფესიულ განვითარებას (კომუნიკაციური და პროცედურული უნარები, სამედიცინო ეთიკა), საზოგადოებრივი ჯანდაცვის საფუძვლებს და ნეირომეცნიერებებს. აღნიშნული ინტეგრირებული მოდულების სწავლება განხორციელდება სწავლების სხვადასხვა მეთოდის გამოყენებით (ინტერაქციული ლექციები, როლური თამაშები, პრაქტიკული მუშაობა, სიმულაციურ ლაბორატორიაში მუშაობა და სხვ.). სტუდენტები დაეუფლებიან საკვანძო პრაქტიკულ უნარებს (პაციენტთან ინტერვიუ) კლინიკურ გარემოში. სიმულაციური სწავლების გზით სტუდენტები მიიღებენ გამოცდილებაზე დაყრდნობილ ცოდნას; ასევე კონკრეტული კლინიკური შემთხვევების ვირტუალური დისექციის და მანეკენებზე განხილვის მეშვეობით სტუდენტები შეისწავლიან რეგიონულ ანატომიას. ამასთან, მეორე კურსიდან სტუდენტები ჩაერთვებიან პრობლემაზე დაფუძნებული სწავლების (PBL - problem-based learning) კურსში, რომელსაც გრძივი ხასიათი ექნება.

II ფაზა - ჯანმრთელობა და დაავადება (III კურსი)

მეორე ფაზის განმავლობაში (პრეკლინიკური კურსი) ძირითადი ყურადღება ეთმობა შესავალსკლინიკურ მედიცინაში, (პროპედევტიკა და კლინიკური უნარები), ზოგად პათოლოგიას და ფარმაკოლოგიას. აღნიშნული ფაზა ძირითადად ორიენტირებულია იმ დაავადებათა ყველაზე ხშირ სიმპტომებსა და ნიშნებზე, რომლებიც ყველაზე ნათლად ასახავს აღნიშნული დისციპლინების ძირითად კონცეფციებს. ამასთან, სტუდენტები სრულყოფენ ფიზიკური გასინჯვის უნარებს. III კურსის განმავლობაში სტუდენტები სწავლობენ დიაგნოსტიკურ აზროვნებას სხვადასხვა სამედიცინო მიმართულების ქეისების განხილვის გზით, რაც თავის მხრივ ხელს უწყობს მიღებული ცოდნის ინტეგრირებას და ამზადებს სტუდენტებს კლინიკური საგნების სრულფასოვნად აღქმისაკენ, რომელთა. ინიცირებაც პროგრამაში შემდეგი წლიდან ხდება. პროფესიული განვითარების გრძელი მოდულის ფარგლებში სტუდენტები ერთვებიან კლინიკური პრობლემის გადაჭრის პროცესში, რაც თავის მხრივ ხორციელდება სხვადასხვა კლინიკური სცენარების გზით (კლინიკური აზროვნების კურსი); აღნიშნული მეთოდით ძირითადი აქცენტი კეთდება სტუდენტებს შორის როგორც სიღრმისეულ ანალიზსა და ინფორმაციის სინთეზზე, ასევე მის პრაქტიკულ გამოყენებაზე კლინიკურ კონტექსტში.

III ფაზა - ძირითადი კლინიკური როტაციები (IV-V კურსი)

IV და V კურსების განმავლობაში სტუდენტები სწავლობენ კლინიკური როტაციების სახით ძირითად კლინიკურ საგნებს - შინაგანი მედიცინა (სისტემაზე დაფუძნებული), ქირურგია, მეანობა და გინეკოლოგია, გადაუდებელი მედიცინა, პედიატრია, ფსიქიატრია, რადიოლოგია, ოტორინოლარინგოლოგია და სხვ. ამის პარალელურად, სტუდენტები აგრძელებენ პროფესიულ განვითარებას, რომელიც მოიცავს პროფესიული ქცევის სრულყოფას კლინიკური უნარ-ჩვევების ლაბორატორიასა და კლინიკურ გარემოში. აღნიშნული მოდულების სწავლება ხდება როგორც ამბულატორიულ, ასევე კლინიკურ გარემოში. თითოეული როტაციის დასასრულს, სტუდენტი აბარებს ინტეგრირებულ გამოცდას. (ტესტური კითხვები მრავალარჩევანიანი პასუხებით MCQ/OSCE).

IV ფაზა - რეზიდენტურისათვის მომზადება (VI კურსი)

VI დამამთავრებელი კურსის განმავლობაში, სტუდენტებს ექნებათ დამატებითი კლინიკური საქმიანობა, რათა განამტკიცონ და სრულყონ კომპეტენციები შინაგან მედიცინაში, ქირურგიაში, მეანობა-გინეკოლოგიაში, ინფექციურ სნეულებებში, საოჯახო მედიცინაში, ოფთალმოლოგიაში, გერიატრიაში, პედიატრიაში და გადაუდებელ მედიცინაში. სპირალური კურიკულუმის მოთხოვნებისა და ინტეგრაციის პრინციპების თანახმად, დამამთავრებელი კურსების მოდულების ფარგლებში ხდება საბაზისო საგნების (მაგ: ფარმაკოლოგია და სამედიცინო გენეტიკა) გადახედვა. ამავე კურსის ფარგლებში, სტუდენტების მცირე ჯგუფს ეძლევა სხვადასხვა ამბულატორიული და ჰოსპიტალური კლინიკური დავალება, რომელთა შესრულებაც ამზადებს დამამთავრებელი კურსის სტუდენტებს მომავალი სპეციალიზაციისა და დიპლომის შემდგომი სარეზიდენტო პროგრამისათვის. დამამთავრებელი კურსის ბოლოს, სტუდენტები აბარებენ ინტეგრირებულ გამოცდას (MCQ/OSCE).



საკონტაქტო ინფორმაცია:
ქ. ქუთაისი ავ. წერეთლის №13
www.unik.edu.ge
info@unik.edu.ge
ტელ: +995 (431) 24 52 97

ქუთაისის
უნივერსიტეტი